

清代名人尺牘小傳

紹棠  
丙寅得  
序

國家圖書館, NATIONAL CENTRAL LIBRARY, TAIWAN, R.O.C.





余弱冠時即喜舊人尺牘前明國朝諸家所蓄甚夥四十年來經眼者

以數萬計玩其筆墨氣味證以稱謂行款未讀文句即能知其世次定其

真贋所識近地收藏之家如錢唐梁學士山舟先生接山太守春膳參軍

王檢叔處士陳澱水明府仁和趙晉齋明經孫尋雲茂才海寧蔣夢華上

舍嘉興李金澗明經張叔未孝廉金岱峰廣文馮柳東明府秀水殷雲樓

明經錢學山廣文恬齋方伯味根孝廉嘉善謝若農中翰平湖錢夢廬上

舍德清戚馥林廣文徐竹窓別駕鎮海王師竹廣文山陰杜尺莊孝廉陳

霞西處士蕭山蔡陸士茂才吳縣潘榕臯農部陸謹庭孝廉雅安上舍陶

筠椒茂才陳葦汀上舍貝簡香經歷長洲吳春生明經吳江戚藻村處士





震澤凌葦裳理問崑山吳銀颿明經嘉定瞿木夫理問金匱錢梅溪參軍  
武進趙味辛司馬陽湖孫淵如觀察儀徵阮雲臺制軍江都秦敦夫編修  
或千通或數百通數十通少或一二通余並得展閱審定著名者已得十  
七八可謂極東南藏棄之盛矣因投其精髓一一借鈎竊思近時簡牘若  
非書家或不珍惜易致散失乃先刻 國朝六百餘家共七百三十餘札  
名昭代名人尺牘大率以書家爲主大家名家不憚煩複或一人而三四  
通七八通多至十五六通若理學忠孝名臣逸士與經史金石詩古文家  
詞曲家畫家所見無不采錄遇長簡或節去數語以省繁冗起 國初遺  
老迄近日已故諸公閒存師友數人次爲二十四卷前列小傳以資考核

選擇致爲謹慎非深信真確不敢漫登不署名之札不特覈其文義事實  
或以詩牋便面證對筆法溯所自來然後列入欲以存一代真蹟傳信後  
人不敢不過爲矜重世有同好當必鑒余之苦心摹刻工夫不惜心力務  
使人人得其用筆之意始嘉慶甲戌至今已十二年刻旣成爲識歲月惜  
山舟先生謹庭馥林味辛淵如晉齋澌水筠椒尋雲接山諸君之不及見  
也道光六年歲在丙戌十二月之吉海鹽吳修書于青霞館時年六十二

昭代名人尺牘總目

卷一

顧炎武

黃宗羲

黃宗炎

傅山

錢載跋

林古度

毛晉

歸莊

徐樹丕

俞南史

錢澄之

方文

陸世儀

朱鶴齡

顧有孝

紀映鍾

冒襄

宋曹

王時敏

王鑑

邵彌

張學曾

陳洪綬三通

丁元公

張風

海鹽吳修編次

國家圖書館, NATIONAL CENTRAL LIBRARY, TAIWAN, R.O.C.

總目

一



卷二

蕭雲從  
惲本初  
陳梁

張怡  
沈顥  
閻爾梅

楊補  
文枬

項聖謨  
褚篆

俞時篤

鄭敷教

彭行先

顧夢游

劉象先

嚴調御

張爾岐

王錫闡

費密

張孝思

徐波

李漁

龔鼎孳

王鐸

方拱乾

孫承澤

陳之遴

姜希轍

程正揆

曹溶

王崇簡

高珩

周亮工

梁清標

卷三

魏裔介

魏象樞

李霽

傅以漸

黃機

蔣超

宋琬

莊同生

方亨咸

季振宜

朱之錫

法若真

梁清遠

宋徵輿

馮溥

鄧旭

張九徵

王廣心

何采

王庭

郝浴

沈荃

笪重光

程可則

總目

二

曹爾堪

卷四

吳興祚

顧樵

張弨

湯燕生

查繼佐

巢鳴盛

徐枋

屠曠

吳繫昌

卷五

范承謨

楊雍建

田雯

何元英

劉芳躅

錢陸燦

趙吉士

龔賢

顧苓

祁豸佳

吳山濤

方以智

周茂蘭

徐善

吳謙牧

修附識

陸光旭

項景襄

顧豹文

王揆

王士正

四通

計東

周荃

查士標

五通

鄭簠

萬壽祺

汪挺

朱嘉徵

朱用純

陳確

王澤宏

張惟赤

劉體仁

李開蘄

熊賜履

高士奇跋

吳兆騫

朱奎

程邃

周容

褚廷瑄

邱上儀

陳瑚

金陵明題

錢汝霖

張履祥

嚴沆

王士祿

丁澎

宋德宜

高士奇跋

李念慈

孫暘

總目

三

國家圖書館, NATIONAL CENTRAL LIBRARY, TAIWAN, R.O.C.



卷六 杜 臻

曾王孫

徐皆鳳

林雲銘

陳廷敬

李天馥

毛際可

徐元文

葉芳藹

葉封

彭瓏

鄒祇謨

王又旦

張玉書

葉映榴

申穉

嚴我斯

盛符升

曹貞吉

勞之辨

車萬育

衛既齊

錢瑞徵

繆彤

吳一蜚

張英高士奇跋

顏光敏

汪懋麟

孫在豐

李光地

陸隴其

趙申喬

徐乾學二通

葉燮

王士禛

白夢鼎

王 揆

王原祁

卷七

惲 格十二通

王 翬

吳 歷

王 武

姜實節

王 撰

王 槩

文 點

文 揆

周 儀

杜首昌

范 驤

金 侃

楊无咎

唐禹昭

王猷定

卷八

陳允衡

余 懷

杜 濬

陳恭尹

總目

四

國家圖書館, NATIONAL CENTRAL LIBRARY, TAIWAN, R.O.C.

黃雲

吳懋謙

曾燦

方膏茂

高兆

梅文鼎

顧祖禹

蔣鑰

許旭

顧湄

孫默

嵇永仁

黃向堅

侯方域

彭孫貽

徐秉義

王鴻緒二通

韓茨

徐倬

顧貞觀

彭定求

胡會恩

翁叔元

顧藻

葉舒崇

高層雲

成德

卷九

彭孫適

倪燦二通

汪霽

喬萊

王頊齡

李因篤

秦松齡

周清原

陳維崧

徐嘉炎

陸棻

錢中諧

汪楫

袁佑

朱彝尊五通

湯斌二通 修附識

汪琬

邱象隨

潘耒

沈珩

施閏章

米漢雯二通

黃與堅

李鎧

徐鉉

卷十

嚴繩孫三通

李來泰修附識

沈筠

吳元龍

龐塏

馮勗

尤侗

張鴻烈

總目

五

國家圖書館, NATIONAL CENTRAL LIBRARY, TAIWAN, R.O.C.



李澄中

毛奇齡

錢金甫

吳任臣

毛升芳

曹禾

周起莘

魏學渠

宋寶穎

董俞

徐咸清

吳雯

徐林鴻

吳農祥

葉奕苞

顧景星

閻若璩

王宏撰

夏駟

田茂遇

錢芳標

吳為龍

梁同書跋

卷十一

孫枝蔚

王嗣槐

鄧漢儀

朱士曾

黃虞稷

蔡方炳

陸嘉淑

陸元輔

魏禧

魏禮

萬斯選

萬斯大

萬斯備

萬斯同

譚吉璉

譚瑄

李繩遠

李良年

李符

周箕

周篁

沈進

繆泳

高佑鈿

沈暉日

沈岸登

徐真木

盛遠

項奎

許箕

潘廷章

查容

朱爾邁

胡渭

沈謙

卷十二

陸圻

毛先舒

陸繁昭

孫治

洪昇

諸九鼎

陳廷會

胡介

毛宗文

卓天寅

馮景

吳之振

宋犖

高士奇二通

吳綺

袁于令

王丹林

陳奕禧二通

賈鉉

禹之鼎

汪文柏

傅眉

周在浚

黃百家

曹寅

孔尚任

楊大鶴

曹鑑倫

趙執信三通

歸允肅

尤珍

卷十三

孫岳頒二通

周金然

王九齡

蔡升元

梅庚

龔翔麟

汪煜

張希良

蔣陳錫

仇兆鰲

宋大業

陳元龍四通

吳暲

梁佩蘭

孫致彌

唐孫華

史申義

查昇六通

沈宗敬二通

湯右曾二通

卷十四

楊賓

沈用濟

邵長蘅

蔣景祁

錢柏齡

錢綸光

顧藹吉

宗元鼎

郭元釭

高不騫

張雲章

沈翼

朱昆田

朱丕戡

吳士旦修附識

畢宏述

總目

七

國家圖書館, NATIONAL CENTRAL LIBRARY, TAIWAN, R.O.C.



蔣深

曹日瑛

楊晉

馬元馭

高其佩

博爾都

沈名蓀

翁嵩年

鄭梁

黃叔琳

惠周惕

陳鵬年

狄億

楊中訥

儲欣

顧圖河

嚴虞惇

周起渭

宋聚業

卷十五

姜宸英十五通

卷十六

汪士鋐十七通

卷十七

鄂爾泰

高式青

朱樟

魏坤

汪繹二通

徐昂發

楊守知修附識

徐永宣

勵廷儀

查嗣琛

查慎行

王式丹

章藻功

宋至

萬經

蔣廷錫

何焯十通

卷十八

陳邦彥五通

賈國維

喬崇烈

方苞

方絜如

惠士奇

繆沅

秦道然

總目

八

國家圖書館, NATIONAL CENTRAL LIBRARY, TAIWAN, R.O.C.

卷十九

張大受

李紱

徐用錫通二

張照七通梁同書跋

王世琛通二

徐葆光

王圖炳通二

林佶通二

杜詔

汪泰來

傅王露

繆曰藻

蔣衡通四

王澍通五

顧嗣立

汪應銓

鄭江

馬維翰錢載題

江永

盛錦

梁文泓

陳梓

李錯

高鳳翰

裘尊生

李世倬

張宗蒼

謝淞洲

沈鳳

方士庶

汪士慎

華岳

金農通二

丁敬

陳章

姚世銓

汪惟憲

顧詒祿

李果

卷二十

錢陳羣通二

陸奎勳

柯煜

勵宗萬

盧見曾

陳宏謀

尹繼善

劉統勳

汪由敦

王峻

嚴遂成

鄒一桂

張鵬翀

梁詩正

蔣溥

嵇璜

商盤

陳祖范

桑調元

英廉

鄭燮

曹秀先

全祖望

金德瑛

總目

九

國家圖書館, NATIONAL CENTRAL LIBRARY, TAIWAN, R.O.C.



劉 綸

諸 錦

杭世駿

陳兆崙二通

沈廷芳

夏之蓉

齊召南

方觀承

馬日琯

馬日璐

方貞觀

周 京

陳 撰

厲 鶚

萬光泰

卷二十一

胡天游

汪 沆

趙 昱

趙 信

朱稻孫

張 庚

德 保

沈德潛

袁 枚

裘日修

鄭虎文

錢維城

梁國治

朱 珪

劉 墉六通

周於禮

惠 棟

錢 載三通  
修附識

翁方綱三通

卷二十二

梁同書七通  
修附識

秦大士

盧文弨

紀復亨

顧光旭

倪承寬

阮葵生

陸 曜

徐 良

王又曾

朱 筠

紀 昀

王 昶

王鳴盛

錢大昕三通  
修附識

周升桓

朱休度

彭元瑞

蔣士銓

彭紹升

卷二十三

王文治七通

畢 沅

趙 翼

王 杰

卷二十四

李文藻

曹仁虎

段玉裁

王宸

盛百二

梁嘯

姚鼐通三

褚廷璋

戴震

趙文哲

尹壯圖

余集

曹錫寶

張埏

程晉芳

邵晉涵

錢澧

李長庚

孔繼涑

金榜

鐵保

吳錫麒通二

秦瀛

馮敏昌

錢世錫

法式善

武億

趙懷玉

汪端光

江聲

程瑤田

錢坫

汪中

黃易

鮑廷博

羅聘

奚岡

方薰

金德輿

范永祺

宋葆淳

趙魏

吳東發

吳文溥

王芑孫

黃景仁

孫星衍通二 修附識

惲敬

伊秉綬修附識

錢楷

桂馥

邢澍修附識

洪亮吉

張問陶

熊方受

陳希祖

尤維熊

陳鴻壽

張惠言

吳鼎通二



昭代名人尺牘小傳

卷一

海鹽吳修采輯



顧炎武初名絳別字亭林江南崑山人年十四爲諸生入復社即講求經世之學凡國家典制郡邑掌故天文儀象河漕兵農之屬莫不窮究原委考正得失以貢薦授兵部司務再薦職方主事皆不就康熙間詔舉博學鴻儒科修明史大臣爭薦之並辭未赴周歷西北二十年卒于華陰國朝稱學有根柢者以亭林爲最吳江潘耒敘其遺書行世所著有天下郡國利病書肇域志音論詩本音易音唐韻正韻補正古



音表金石文字記求古錄日知錄左傳杜解補正石經考二十一史年表歷代帝王京宅記亭林文集詩集營平二州地名記昌平山水記山東考古錄京東考古錄譎觚菰中隨筆救文格論亭林集等書並有補于學術世道者

黃宗羲字太沖號梨洲浙江餘姚人忠端公長子少補仁和諸生明莊烈帝即位年十九草疏入京訟冤袖鐵椎椎許顯純拔崔應元之鬚歸祭父遊劉蕺山之門蕺山死節後隨孫嘉績熊汝霖諸軍于江上事魯監國授官職方改監察御史累擢左副都御史從亡有年歸乃奉母以老康熙間薦舉博學鴻儒以病行催不到薦修明史力辭 詔取所著

書關史事者宣付史館學本六經旁羅百氏俱得其本末尤精天文之學學者稱梨洲先生著有易學象數論授書隨筆春秋日食歷孟子師說深衣考今水經歷代甲子考明史案歷書明夷待訪錄留書思舊錄二程學案宋儒學案元儒學案明儒學案大統法辨時憲書法解新推交食法圖解割圖八綫解授時法假如西洋法假如回回法假如明文海南雷文案文定文約等書

黃宗炎字晦木忠端公次子梨洲弟也明崇禎間貢生亂後賣畫自給人稱鷓鴣先生講易獨開窠竄力辨太極圖之非著有周易象辭尋門餘論圖書辨惑二晦山樓等集



傅山字青主初字青竹別號公之它又號晉廬山西太原人隱居著書工詩文善畫兼長分隸篆刻精醫年七十餘徵鴻博至都堅臥城西古寺中不與試授官中書辭歸有霜紅龕集

林古度字茂之一字那子福建福清人孝廉章子移居金陵卒年九十餘有茂之詩選

毛晉元名鳳苞字子晉江南常熟人家有汲古閣多儲藏秘冊自羣經十七史以及詩詞曲本唐宋金元別集稗官小說靡不發雕公諸海內有功于藝苑甚鉅所撰有古今文苑毛詩名物考明詩紀事汲古閣珍藏書目刻書目

歸莊一名祚明字元恭號恒軒崑山人與同邑顧炎武相友善有歸竒顧怪之目工詩善行草書所著萬古愁傳竒痛哭流涕于桑海之際論者稱爲離騷天問一種手筆

徐樹丕字武子號牆東居士江南長洲人少補諸生工詩善八分書甲申後隱居不出有中興綱目識小錄

俞南史字無殊號鹿牀江南吳江人安期之子工詩

錢澄之初名秉鐙字幼光更今名字飲光安徽桐城人嘗問易于漳浦黃氏撰田間易學後乃兼求義理大旨以朱子爲宗又撰田間詩學以小序首句爲主所採諸儒論說自注疏集傳外凡二十家持論精核於名



刻本金山作金山

物訓詰山川地理言之尤詳詩得香山劔南之神髓有藏山閣稿田間集

方文字爾止號明農桐城人隱居金陵工詩有金山集

陸世儀字道威號桴亭江南太倉人著思辨錄數百萬言論明儒得失之故至當不易其學主於施行實政不空爲心性之功於近代講學諸家最爲篤實私謚尊道先生又曰文潛先生有格致編桴亭稿

朱鶴齡字長孺吳江人諸生甲申後棄去自號愚庵與顧亭林暨同里陳啟源相友善長于箋疏之學所撰毛詩通義尚書埤傳禹貢長箋讀左日鈔發明宋儒集註集傳所未及又有春秋集說易廣義略及愚庵小

集諸書杜工部李義山詩註尤盛行于時

顧有孝字茂倫吳江人諸生詩尚唐音所選唐詩英華盛行海內又有五朝詩鈔明文英華諸選喜交遊陋巷蓬門四方賓至無虛日時有蘼菜盃嘗之目嘗倩松陵女史沈關關刺繡作雪灘濯足圖過江人士以不與題詞爲恨有雪灘釣叟集

紀映鍾字伯紫一字槩子號鱣叟江南上元人自稱鍾山遺老移居儀徵工詩善書有真冷堂詩稿

冒襄字辟疆號巢民又號樸巢江南如臯人副憲起宗子爲四公子之一明崇禎壬午副榜用台州府推官不就家有水繪園四方名士畢集風



流文采映照一時嘗集同人投贈詩文爲同人集十二卷私謚潛孝先生有水繪園詩文集

宋曹字彬臣一字邠臣號射陵江南鹽城人明崇禎時官中書 國朝舉山林隱逸薦鴻博俱以病不出有書名

王時敏字遜之號煙客太倉人文肅公孫以廕官太常兵後隱于歸村畫山水法大癡得其神髓爲 國朝畫苑領袖愛才若渴四方工畫者踵接於門得其指授無不知名海虞王翬其首也工分隸精鑒藏有西田集

王鑑字元照一作貞照太倉人弇州山人曾孫明崇禎間舉人官廉州守善畫山水摹古尤精與煙客石谷麓臺稱四王

邵彌字僧彌後以字行號瓜疇長洲人工書畫吳梅村有畫中九友歌謂董元宰王煙客元照李長蘅楊龍友張爾唯程孟陽卞潤甫及僧彌也張學曾字爾唯號約庵會稽人以副榜官中書順治間爲蘇州知府善畫山水

陳洪綬字章侯號老蓮浙江諸暨人國子監生明崇禎間召入供奉不拜甲申後自號老遲又稱悔遲又稱弗遲書法適逸善畫山水尤工人物得李公麟法衣紋圓勁設色奇古論者謂筆意在仇唐之上與北平崔青蚓齊名稱南陳北崔



丁元公字原躬浙江嘉興人布衣工書精繆篆善寫意山水晚年爲僧名淨伊字願庵嘗遍訪歷代佛祖高僧真容始自西竺大迦葉尊者迄明季蓮池大師繪爲巨冊而各識其事蹟于後

張風字大風一名觀上元人少爲諸生亂後棄去書畫皆有別趣款署真香佛空或稱昇州道士有雙鏡亭詩

蕭雲從字尺木號無悶道人安徽當塗人明崇禎己卯副榜善畫山水兼長人物所圖太白樓壁最著名有梅花堂遺稿

張怡又名自怡字瑤星上元人明諸生以廢官錦衣千戶寇陷京師大罵不屈匿複壁中乘閒逸去晚築室攝山之白雲峰號白雲老人

楊補字無補號古農長洲人工詩畫甲申後隱鄧尉山

項聖謨字孔彰號易庵又號存山樵浙江秀水人元汴之孫工畫董宗伯稱其樹石屋宇花卉與宋人血戰山水兼元人氣韻有朗山堂集

惲本初字道生後改名向號香山江南武進人明經博學明崇禎間舉賢良方正授中書舍人不就善書工山水學董巨黑法晚年在倪黃之間著有畫旨

沈顥字朗倩號石天江南吳縣人善畫有枕瓢焚硯等集

文柟字端文一字曲轅號漑庵長洲人從簡子甲申後棄諸生工書畫有漑庵詩選



褚篆字蒼書長洲人明諸生邃于經學工書

聖祖南巡召見命書

牋二幅

御書海鶴風姿賜之年九十六矣越歲卒

陳梁字則梁浙江海鹽人善書工詩自稱散木子又號命者山翁亦稱浣  
公亂後爲僧稱个亭和尚有菟園命者浣筆池个亭諸集

閻爾梅字調鼎號古古江南沛縣人明崇禎丙子舉人工詩長于七律鎔  
鑄史事最工有白奩山人集

昭代名人尺牘小傳

卷二

金俊明字孝章初名袞字九章號耿庵又號不寐道人吳縣人兵後棄諸生傭書自給工詩能書長於畫梅私謚貞孝先生有春草閒房詩集

鄭敷教字士敬號桐庵長洲人明崇禎庚午舉人與楊廷樞齊名舉賢良方正以母老辭隱居教授學深于易私謚貞獻先生

彭行先字務敏一字貽令號竺里長洲人明崇禎中以貢生授知縣不就亂後隱居教授書出入晉唐與金俊明鄭敷教稱吳中三老年九十二整襟起坐斂手而逝



顧夢游字與治江南江寧人貢生工古文詞善行草書晚年閉關以書易  
粟求者成市

俞時篤字企延又字近蘇浙江錢塘人諸生工畫能書

嚴調御字印持浙江餘杭人善書工詩與弟武順較齊名有作朋集

張爾岐字稷若號蒿庵山東濟陽人明諸生兵後棄去邃于經學尤精三

禮爲顧亭林所折服著儀禮鄭注句讀易說略詩說略春秋傳議夏小

正注弟子職注老子說略蒿庵文集蒿菴閒話等書

王錫闡字寅旭一字昭寔號餘不亦號曉庵又號天同一生吳江人與張

考夫講濂洛之學深於歷象精究推步兼通中西之術創新法候日月

食著有太曆統西曆啓蒙丁未曆稿推步交朔測日小記三辰晷志圖

解曉庵新法歷說歷策左右旋問答諸書梅定九最所服膺

劉象先字今度上元人書工章草

張孝思字則之號懶逸江南丹徒人善書工畫蘭家有培風閣精鑒賞富

收藏

徐波字元歎吳縣人少任俠亂後構落木庵以枯禪終有謚籀堂染香庵  
等集

李漁字笠翁錢塘人一作蘭溪人流寓金陵著一家言能爲唐人小說吳

梅村所稱精于譜曲時稱李十郎有風箏誤等傳奇十種及芥子園畫



譜初二三集行世

費密字此度四川新繁人事父經虞至孝避獻逆之亂竄身西域傷足至跛遊吳越至蘇門謁孫徵君稱弟子著宏道書聖門舊章劔閣芳華集等書工詩爲王新城所稱有燕峰文鈔詩鈔論者謂蜀中著述自楊文憲後昭代首推此度云

王鐸字覺斯河南孟津人明天啓壬戌進士入翰林國朝官至大學士謚文安書宗魏晉名重當代與董文敏並稱有擬山園帖行世兼善山水

方拱乾字坦庵號甦庵桐城人明崇禎戊辰進士國朝官至太僕寺卿

孫承澤字耳伯號北海人號退谷晚自稱退翁直隸大興人明崇禎辛未進士官刑科都給事中國朝授吏科都給事中歷兵部左侍郎加太子太保都察院左都御史好客家多藏書善鑒碑版書畫著有尚書集解九州山水考詩經朱傳翼春秋程傳補五經翼畿輔人物志四朝人物略元朝典故編年考益智錄天府廣記春明夢餘錄學典閒者軒帖考藤陰劄記學約續編明辨錄樗林三筆典制紀略溯洄集庚子銷夏記研山齋集等書

龔鼎孳字孝升號芝麓安徽合肥人明崇禎戊辰進士國朝官至刑部尚書謚端毅詩與吳梅村齊名尤工詞好獎勵後進有定山堂集



吳偉業字駿公號梅村太倉人明崇禎辛未第三人及第歷官宮詹學士  
國朝官祭酒詩名最重七古原本初唐組織工麗聲調鏗鏘世稱梅  
村體有梅村詩集文集

程正揆字端伯號鞠陵又號青溪道人湖北孝感人明崇禎辛未進士榜  
名正蔡官翰林入 國朝改今名官至工部侍郎工書善山水有青溪  
遺稿

曹溶字潔躬號秋岳又號倦圃晚號鉅菜翁嘉興人明崇禎丁丑進士由  
行人授御史 國朝官戶部侍郎外轉廣東布政使降補山西陽和道  
戊午以鴻博徵復薦修明史俱不赴築倦圃於城南有二十景之勝詩

詞並擅名與合肥龔孝升稱龔曹兼長尺牘有靜惕堂集

陳之遴字彥升號素庵浙江海寧人明崇禎丁丑第二人及第 國朝起  
翰林院侍讀學士官至宏文院大學士以結交近侍謫戍尚陽堡有旋  
吉堂詩草浮雲集

姜希轍字二濱號定庵會稽人明崇禎壬午舉人 國朝官工科給事中  
所言皆切中時弊遷奉天府府丞有左傳統箋兩水亭集

周亮工字元亮號櫟園又號減齋河南祥符人移家白下明崇禎庚辰進  
士由濰縣令行取御史 國朝授兩淮鹽運使歷戶部右侍郎革職康熙  
初復僉事歷江安督糧道好古圖史書畫方名彝器有讀畫錄印人

傳字觸書影入閩記閩小記賴古堂詩文集賴古堂文選鹽書同書連  
書尺牘新鈔藏弄集結鄰集刪定虞山詩人傳耦雋等書

梁清標字玉立號蕉林又號蒼巖直隸真定人明崇禎癸未進士 國朝  
官至保和殿大學士精於鑒賞所藏法書名畫甲天下刻秋碧堂法帖  
有蕉林詩集

王崇簡字敬哉直隸宛平人明崇禎癸未進士入 國朝充館選歷官禮  
部尚書加太子太保謚文貞善畫米氏雲山有青箱堂集

高斯字葱佩一字念東晚號紫霞道人山東淄川人明崇禎癸未進士  
國朝官至刑部侍郎有棲雲閣集

杜立德字純一直隸寶坻人明崇禎癸未進士 國朝官至保和殿大學  
士謚文端



昭代名人尺牘小傳

卷三

魏喬介字石生又字崑林號貞庵直隸柏鄉人順治丙戌進士官至保和  
殿大學士謚文毅 國朝諸大典半屬文毅奏定風節侃侃與魏果敏  
時稱二魏學宗朱子著有約言錄知統錄致知格物解周程張朱正脈  
鑑語經世編多識集雅說集希賢錄資慶新聞崑林小品兼濟堂奏疏  
文集諸書

魏象樞字環極號環溪又號庸齋山西蔚州人順治丙戌進士官至刑部  
尚書謚果敏為吏科給事中疏論時事直聲震朝野為左都御史劾明

珠有知人鑒湯孔伯于北溟陸稼書郝冰滌皆其先後疏薦有寒松堂集

李霽字景雷號坦園直隸高陽人明大學士國楷子順治丙戌進士拜大學士年才三十四謚文勤有心遠堂詩集

傅以漸字干磐號星巖山東聊城人順治丙戌第一人及第官至祕書院大學士以清勤著學者稱星巖先生有貞固齋詩集

黃機字次辰號雪臺錢塘人順治丁亥進士官至文華殿大學士謚文僖有浥露堂詩文集

蔣超字虎臣自號華陽山人江南金壇人順治丁亥第三人及第官宏文院修撰性淡泊斷葷血好方外交順天學政秩滿告歸過百泉謁孫徵君遂達峨眉居伏虎寺端坐吟詩而逝翼日有胡生遇諸山椒頻呼不應及入寺知已死乃大驚有峨眉山志綏庵集

宋琬字玉叔號荔裳山東萊陽人順治丁亥進士官四川按察使詩入杜韓之室感時傷事之作多淒清激宕之音與施愚山齊名世稱南施北宋有安雅堂集

莊同生字玉驄號澹庵江南武進人順治丁亥進士官右庶子兼侍讀負才名善繪事有澹庵集

方亨咸字吉偶號邵村桐城人太僕拱乾子順治丁亥進士官御史工詩



文善書精于小楷兼長山水與程青溪顧見山稱鼎足

季振宜字說分號滄葦江南泰興人順治丁亥進士官御史家藏宋元板書精本最富有李滄葦書目及靜思堂詩稿

朱之錫字孟九號梅麓浙江義烏人順治丙戌進士官官兵部尚書總督東河以勞卒爲河神立廟河畔乾隆間 褒封永寧侯

法若真字漢儒號黃石亦號黃山山東膠州人順治丙戌進士官康熙己未薦鴻博未用官至安徽布政使工書畫有黃山詩留

梁清遠字無垢真定人清標弟順治丙戌進士官侍郎有雕邱雜錄被圍集

宋徵輿字棘文江南華亭人順治丁亥進士官至副都御史早歲工詩與陳臥子李舒章齊名有林屋文藁詩藁

馮溥字孔博號易齋山東臨朐人順治丁亥進士官至文華殿大學士加太子太傅謚文毅好宏獎人物在京師築萬柳堂與諸名士觴詠其中  
有佳山堂集

鄧旭字元昭安徽壽州人順治丁亥進士官翰林院檢討出爲甘肅洮岷道乞歸有林屋詩集

張九徵字公選號湘晚丹徒人順治丁亥進士官河南提學道康熙戊午薦鴻博力辭



王廣心字伊人號農山華亭人順治己丑進士官御史有蘭雪堂詩集

何采字滌原號南欄又號省齋亦號蘆莊桐城人明大學士如寵于順治己丑進士官左中允工書

王庭字言遠一字邁人嘉興人順治己丑進士官山西布政使工詩與兄价人稱梅里二王有三仕二西秋間漫餘等草

郝浴字冰滌直隸定州人順治己丑進士以御史巡按四川請開屯田足兵食為全川計民賴其利賊圍保寧陳吳三桂兵驕橫劫殺三桂劾其欺罔譴戍遼陽居二十年潛心經義好孟子二程子書三桂叛魏環極再疏薦之起故官尋出撫廣西

沈荃字貞蕤號繹堂又號充齋華亭人明小學士之後順治壬辰第三入及第官至禮部侍郎謚文恪工書繼董文敏而起為時所重有充齋集笈重光字在平號江上外史亦稱鬱罔掃葉道人丹徒人順治壬辰進士官御史書出入蘇米其縱逸之致王夢樓最所稱服畫山水蘭竹得點染之趣暉南田王石谷常主其家鑒賞最精

程可則字周量一字湟溱小字佛壯號石臞廣東南海人順治壬辰會元官桂林守詩為嶺南大家不在三家之下有遠集樓海日堂詩集

曹爾堪字子顧號顧庵浙江嘉善人十歲能文十二善詩詞順治壬辰進士官侍講學士與宋荔裳施愚山沈繹堂王西樵阮亭汪堯峰程湟溱





稱海內八家有南溪集杜鵑亭集

昭代名人尺牘小傳

卷四

吳興祚字伯成號留村浙江山陰籍漢軍正紅旗人由貢生授萍鄉知縣以薦勦平耿逆超擢福建按察使陞巡撫平海寇晉秩一品擢兩廣總督能詩好客有宋元聲律選留村詩稿

趙吉士字天羽號恒夫安徽休寧人入籍錢塘貢生官戶科給事中降補國子監學正著有續表忠記音韻正譌寄園寄所寄萬青閣全集

周荃字靜香號花谿老人長洲人 大兵下江南荃首先向道以功授開封府遷觀察善山水花草用齋楚觀察印



朱奩字雪個故石城府王孫也甲申後號八大山人書有別趣畫山水花鳥竹木亦多奇致款題八大山人類哭之笑之字

顧樵字樵水吳江人工畫有詩名

龔賢字半千號野遺又號半畝亦作柴丈人上元人善畫山水用墨濃厚自成一家有香草堂集

查士標字二瞻號梅壑江南海陽人明諸生流寓揚州書法襄陽極似董文敏善山水負盛名有絕工者得元人秀逸之致有種書堂遺稿

程邃字穆倩號垢區又號垢道人自稱江東布衣江南歙縣人居江都明諸生長於金石考證刻石印精深漢法而能自見筆意擅名一代善畫

山水多用乾筆工詩有會心吟

張弼字力臣號亟齋江南山陽人棄諸生以賣書畫爲生精心六書之學

顧亭林所折服亭林音學五書皆力臣手寫付梓貧而嗜古尤究心于金石後以聲廢而考證彌勤有昭陵六駿圖贊瘞鶴銘辨

顧苓字云美吳縣人善隸書工篆刻精鑿金石碑版有塔影園稿

鄭蘆字汝器號谷口上元人以八分擅名

周容字鄮山一字茂三號覽堂浙江鄞縣人亂後棄諸生有欲以鴻博薦者以死力辭善書畫工詩有春涵堂集

湯燕生字元翼一字巖夫安徽太平人詩文有名於時兼工書法有商歌



集

祁豸佳字止祥山陰人明天啓丁卯舉人以教諭遷吏部司務鼎革後隱于梅市書似董文敏善畫山水花卉

萬壽祺字年少江南徐州人明崇禎庚午舉人甲申後避地吳中當事欲授以吳江令不就自號沙門慧壽書樞晉人兼工篆刻善白描人物有

隰西堂集

褚廷瑄字硯耘嘉興人明崇禎癸酉舉人兵後杜門不出以草書擅名查繼佐字伊璜號東山海寧人明崇禎癸酉舉人甲申後家居極文酒聲伎之樂因吳六奇事蔣心餘爲製雪中人傳奇書法奇逸可愛詩稿名

釣業

吳山濤字岱觀號塞翁仁和籍歙縣人明崇禎己卯舉人官陝西成縣令改同谷縣以建少陵七歌堂被誣去官善書畫工詩有塞翁集

汪挺字無上更字爾陶嘉興人明崇禎癸未進士福王授工部主事書似率更尤工小楷有曾城遺稿

邱上儀字維正武進人明崇禎辛未武進士任江西都司與廉訪吳公麟瑞提學侯公岫曾並稱三清援筆賦詩恂恂若文士官至鷺南總兵謝病不仕甲申後不歸故里隱居海鹽邵灣山躬耕奉母以卒

巢鳴盛字端明嘉興人明崇禎丙子舉人名注復社乙酉後屏跡不入城



市繞屋種匏手製爲尊而銘之所需器皿莫非匏者

方以智字密之號鹿起桐城人巡撫孔炤子爲四公子之一明崇禎庚辰進士授翰林檢討博學工詩著通雅易知古今性說一貫問答物理小識炮莊等書晚爲僧名宏智字無可別號藥地和尚有浮山全集

朱嘉徵字岷左別號止谿圍人海寧人明崇禎壬午舉人任推官有樂府廣序止谿詩文集

陳瑚字言夏號確庵自稱七十二潭漁父太倉人明崇禎壬午舉人精律歷兵農之學隱居講學門人私謚安道先生巡撫湯公即其地建安道書院有確庵集

徐枋字昭法號侯齋吳縣人文靖公子明崇禎壬午舉人善書山水甲申後賣畫自然夏秋間多種南瓜以代粟食自號秦餘山人遁跡山中終身不入城市湯文正撫吳屏驕從訪之不得一見有居易堂集二十一史文彙通鑑紀事類聚讀史稗語讀史雜鈔建元同文錄管見筆書周茂蘭字子佩號芸齋吳縣人忠介公長子崇禎初刺血上疏請誅倪文煥等私謚端孝先生有參同契衍義

朱用純字致一號柏廬崑山人年十九遭亂痛父殉難棄諸生隱居教授其學確守程朱知行並進以正敬爲程康熙戊午當事欲以鴻博薦以死自誓私謚孝定先生



錢汝霖本姓何初名青字雲士號芸疋海鹽人明諸生隱居澈浦紫雲村學者稱商隱先生有紫雲遺稿

屠燭字闇伯嘉興人諸生事母至孝與桐鄉張考夫講學本諸踐履遂于經學有勗齋集

徐善字敬可嘉興人棄諸生講求致知格物之學晚作易論及徐氏四易春秋地名考

陳確字乾初原名道永字非元海寧人諸生與祝開美張考夫吳仲木袁仲並從劉戡山先生講學

張履祥字考夫號念芝浙江桐鄉人父夢金仁山來謁而生故名幼讀小學近思錄有得渡江遊戡山之門講慎獨之學甲申後棄諸生隱居楊園著書教授乃專意于程朱一以居敬窮理躬行實踐爲主學者稱楊園先生著有經正錄訓子語王學辨補農書備忠錄言行見聞錄近鑑

近古錄初學備忘喪葬雜錄葬親社約楊園文集張考夫遺言

吳蕃昌字仲木海鹽人諸生員肅公次子司寇生白公嗣孫與張楊園講學並從戡山先生遊著日月歲三儀以自範爲閭職三儀以範其家遭母喪哀毀卒私謚孝節先生有祇欠庵集

吳謙牧字哀仲號志仁海鹽人諸生中丞秋圃公次子與兄蕃昌並從戡山講學亦以母喪哀毀卒時稱東海兩孝子有繭窩集困勉齋集

忘



昭代名人尺牘小傳

卷五

范承謨字覲公號螺山奉天遼陽人太學士文程子年十七選充侍衛仍以茂才應制科中順治壬辰進士由編修累官浙江巡撫盡劾諸貪吏請除衢台處荒田之糧遷浙閩總督耿逆叛披幽二載懷炭畫壁爲明心頌百苦吟後殉節贈少保謚忠貞入祀昭忠祠有范忠貞集

陸光旭字始旦號鶴田浙江平湖人順治壬辰進士由御史出爲江安糧儲道有屈亭遺稿

王澤宏字涓來號吳廬湖北黃岡人順治乙未進士官至禮部尚書後移

家金陵有吳廬集鴻嶺山人詩集

嚴沆字子餐號顯亭浙江餘杭人順治乙未進士官至戶部侍郎總督倉場善畫有古秋堂集

楊雍建字自西號以齋海寧人順治乙未進士官至兵部左侍郎巡撫貴州有撫黔奏疏景疏樓詩文稿

項景襄字去浮一字眉山錢塘人秀水籍順治乙未進士官兵部侍郎參機務朝廷有大建置輒援據成例以進遇事敢言

張惟赤字桐孩號螺浮又號小白海鹽人順治乙未進士官刑科給事中  
有螺浮奏議思退軒集

王士祿字子底號西樵山東新城人順治壬辰進士官吏部考功員外郎工詩愛孟襄陽與弟阮亭稱濟南二王以母喪哀毀卒鄉人私謚節孝先生有司勳五種集

田雯字綸霞又字子綸一字紫綸自號山蘊子晚號蒙齋山東德州人順治乙未進士官副使薦試鴻博歷官戶部侍郎有山蘊詩選古歡堂集  
顧昉文字季蔚號且庵錢塘人順治乙未進士官監察御史告歸薦鴻博以病辭

劉體仁字公戡號蒲庵安徽潁州人順治乙未進士官考功郎善畫有七

頌堂集



丁澎字飛濤號藥園浙江仁和人順治乙未進士官禮部郎中工詩爲西  
泠十子之一少有白燕樓詩吳下士女爭書衫袖與宋荔裳施愚山輩  
稱燕臺七子有扶荔堂集

何元英字蕤音秀水人順治乙未進士官通政使參議工書

王揆字端士太倉人時敏次子順治乙未進士有芝廬集

李開鄴崑山人順治乙未進士

宋德宜字右之號夢天長洲人明御史忠烈公子順治乙未進士官至文  
華殿大學士謚文恪

劉芳躅字鍾宛入字增美宛平人明尚書餘裕子順治乙未進士官至山

### 東巡撫

王士正字貽上號阮亭自號漁洋山人新城人順治乙未進士以揚州司  
理入爲戶曹特改翰林官至刑部尚書乾隆間補謚文簡詩爲一代宗  
匠與朱竹垞並稱朱王善古文兼工詞稱王桐花著有帶經堂集漁洋  
三十六種

能賜履字敬修又字青岳孝感人順治戊戌進士官至東閣大學士謚文  
端

李念慈一名念茲字屺瞻號劬庵陝西涇陽人順治戊戌進士官景陵知  
縣薦試鴻博放歸與天生二曲稱關中三李有過嶺吟谷口山房詩集

錢陸燦字湘靈號圓沙常熟人順治丁酉舉人善詩文有調運齋集

計東字甫草號改亭吳江人順治丁酉舉人詩文縱橫跌宕務極其才力而後已有中州集改亭集

吳兆騫字漢槎吳江人順治丁酉舉人以科場事謫戍寧古塔一時送其出關之作徧天下在塞外二十餘年釋歸詩多悲壯之音有秋笳集

孫暘字赤厓常熟人順治丁酉舉人工書

杜臻字肇余一字遇徐嘉興人順治戊戌進士官至禮部尚書有經緯堂集

曾王孫字道扶秀水人本姓孫贅于曾遂以爲嗣順治戊戌進士官漢中

司理陞部曹有清風堂集

徐階鳳字鳴岐號竹逸江南宜興人順治戊戌進士官永昌府推官有願息齋詩文集

林雲銘字西仲福建侯官人題名碑作閩縣順治戊戌進士官徽州府通判有挹奎樓集吳山戲音



昭代名人尺牘小傳

卷六

陳廷敬字子端號說巖本名敬奉

旨加廷字山西澤州人順治戊戌

進士與汪鈍翁王阮亭以詩文相鏃厲其學一以河津爲的官至文淵閣大學士謚文貞有午亭文編

李天馥字湘北江南合肥籍河南永城人順治戊戌進士官至武英殿大學士謚文定有容齋集

毛際可字會侯號鶴舫浙江遂安人順治戊戌進士授推官改祥符令康熙己未薦試鴻博善畫米家山著春秋三傳考異松臯詩選安序堂文

鈔會侯文鈔

徐元文字公肅號立齋崑山人乾學弟順治己亥第一人及第官至文華殿大學士有舍經堂集

葉方藹字子吉號訥庵崑山人順治己亥第三人及第官至禮部侍郎加尚書銜謚文敏有讀書齋偶存稿

葉封字井叔號慕廬嘉善人黃陂籍順治己亥進士官兵馬司指揮薦試鴻博放歸自號退翁銓授虞衡司主事有嵩遊草

彭瓏字雲客號一庵長洲人順治己亥進士官長寧知縣私謚仁簡先生有抽簪雜詩

鄒祗謨字訥士號程村武進人順治戊戌進士與陳維崧董文友黃永稱昆陵四子有遠志齋集

王又旦字幼華別字黃涓陝西郃陽人順治戊戌進士官給事中工詩與王阮亭交最深京師稱兩王先生有黃涓集

張玉書字素存號潤浦丹徒人九徵子順治辛丑進士官至文華殿大學士謚文貞有力行齋集

葉映榴字丙霞號蒼巖江南上海人順治辛丑進士官湖北督糧道參議武昌兵變殉節贈工部侍郎謚忠節

申穰字菽旆長洲人順治辛丑進士官禮部主事



嚴我斯字就恩號存庵浙江歸安人順治辛丑進士康熙甲辰第一人及第官至禮部左侍郎著尺五堂詩刪

盛符升字珍示崑山人康熙甲辰進士官御史少從夏考功彝仲遊後出王新城之門有誠齋詩集

曹貞吉字升六號實庵山東安邱人順治庚子舉人官禮部員外郎有珂雪集

勞之辨字書升號介庵浙江石門人康熙甲辰進士官至左副都御史有靜觀堂詩集

卓萬育字雲崖號鶴田湖南邵陽人康熙甲辰進士官戶科給事中家有螢照堂藏法帖墨蹟最富田刻明代法帖行世

衛旣齋字爾錫山西猗氏人康熙甲辰進士官檢討奏對不稱 旨外

補霸州州判起原官尋擢山東布政使陞貴州巡撫以苗變得罪戍黑龍江逾年赦還教授汾西邃于經學竹垞詩所稱河東衛先生是也

錢瑞徵字鶴庵一字野鶴又字驛公海鹽人康熙癸卯舉人考授知縣改西安教諭好畫松石工書有忘憂草南樓詩草

繆彤字歌起號念齋吳縣人康熙丁未第一人及第官侍講有雙泉草堂集

吳一蜚字翼生長洲人康熙丁未進士官至吏部尚書



張英字敦復桐城人康熙丁未進士官至文華殿大學士謚文端有存誠堂詩集

顏光敏字遜甫一字修來號樂圃山東曲阜人復聖裔康熙丁未進士官吏部考功郎中稱詩輦下與田綸霞宋牧仲輩有十子之目著樂圃詩集

汪懋麟字季角號蛟門江南江都人康熙丁未進士授秘書院中書舍人薦鴻博以憂不赴試補刑部主事入史館充纂修官文似王介甫詩爲十子之一有百尺梧桐閣近詩

孫在豐字屺瞻浙江德清人康熙庚戌進士官至工部侍郎

李光地字晉卿號厚庵又號榕村福建安溪人康熙庚戌進士以編修家居值耿精忠叛密疏陳破賊機宜康熙親王克仙霞關精忠降即家陞侍讀學士又以泉州敗鄭錦功晉內閣學士還京獨陳臺灣可取狀後卒如其言官至文淵閣大學士謚文貞於當世人才賢不肖往往直言無隱有旋乾轉坤之力喜推引好古篤行之士著有周易觀象周易通論詩所論孟劄記古樂經傳榕村講授榕村語錄榕村全集等書

陸隴其初名龍其字稼書平湖人康熙庚戌進士知嘉定縣落職民罷市三日薦試鴻博罷魏象樞以天下第一清廉薦補靈壽縣徵授四川道監察御史累疏陳捐納事忤上官意放歸爲學一準程朱以居敬窮理



爲本嚴陽儒陰釋之辨作學術辨等篇以昌明朱子之學所著有四書講義困勉錄讀禮志疑讀朱隨筆問學錄松陽講義三魚堂文集賸言等書雍正二年從祀孔子廟庭乾隆元年追贈內閣學士兼禮部侍郎謚清獻

趙申喬字慎旃又字松伍武進人康熙庚戌進士以員外郎里居大學士李光地薦特召授浙江布政使未逾年擢巡撫調偏沅並著政績在官刻苦自厲苟利于民知無不爲累官戶部尚書謚恭毅有恭毅賸稿

徐乾學字原一號健庵崑山人八歲能文康熙庚戌第三人及第官至刑

部尚書

勅修一統志會典明史古文淵鑑等書皆奉

命總裁

好獎進人物海內名士輻湊其門家有傳是樓藏書甲天下與弟秉義元文並以文章顯世號三徐有讀禮道考澹園集傳是樓書目

葉燮字星期號已畦吳江人紹袁子居嘉善康熙庚戌進士官寶應知縣有二棄草堂集

王士禛字子側新城人西樵弟阮亭兄也並稱三王康熙庚戌進士有古鉢集

白夢鼎字仲調一字益新號蝶庵江寧人康熙庚戌進士官大理寺評事薦試鴻博有天山堂集

王揆字藻儒號顯庵太倉人文肅公會孫太常時敏子康熙庚戌進士官  
至文淵閣大學士有西田集

王原祁字茂京號麓臺太倉人太常時敏孫進士揆子康熙庚戌進士由  
給事中改翰林官至少司農以畫供內廷法大痕淺絳尤爲獨絕



國家圖書館, NATIONAL CENTRAL LIBRARY, TAIWAN, R.O.C.



昭代名人尺牘小傳

卷七

惲格字壽平以字行更字正叔號南田又號白雲外史一作雲溪外史亦稱東園客武進人月初子幼年剃染靈隱寺書法得褚河南神髓道逸可愛畫山水花卉俱爲國朝第一山水入大擬之室秀潤天成寫生本徐黃法賦色之妙爲古今絕藝工詩爲吳陵六逸之冠有南田詩鈔王翬字石谷號耕煙又號烏目山人晚稱清暉老人常熟人畫山水爲一代大家王太常目爲畫聖與惲南田齊名人稱惲王又與太常司農稱三五并糜州為四王

吳歷字漁山常熟人善畫山水晚年泛海不知所之 國朝言山水大家

曰四王吳惲

王武字勤中號忘庵又號雪顛道人吳縣人文恪公六世孫以諸生入太學能詩工畫花卉名重當時

姜實節字學在號鶴澗萊陽人貞毅先生仲子僑居吳縣工詩書畫俱優倪迂有焚餘草

王撰字異公太倉人時敏第三子監生工隸書山水得家法有三餘集

王槩字安節初名丐秀水人能詩工畫山水芥子園畫譜乃其手筆

文點字與也號南雲山樵長洲人文肅公孫隱居竹塢城市罕有其跡工

詩文善畫山水得待詔家法有南雲詩文集

文掞字賓日號古香長洲人待詔五世孫從簡孫柟子書畫傳其家學隱居修行私謚貞愨先生有十二研齋詩集

周儀字確齋吳縣人工書

杜首昌字湘草山陽人善行草書家有縮秀園水石花木之勝甲一郡

范驥字文白號默庵海寧人諸生工書有默庵集

金侃字亦陶吳縣人孝章子詩畫世其學亦隱居不出

楊无咎字震百號易亭吳縣人父廷樞死國難无咎年十二痛未從死隱

居七十餘年與徐枋朱用純稱吳中三高士三人並以先人死忠益以



名節相砥礪私謚正孝先生卒年八十九有楊仲子三百篇小宛集及  
談經錄三易卦位圖說等書

唐禹昭號半園武進人明崇禎丙子舉人工詩善畫與惲南田稱石交有  
半園詩

王猷定字于一號軫石江西南昌人明太僕卿止敬子貢生以詩古文詞  
自負善書得李北海筆法遭亂居廣陵客死西湖有四照堂集

昭代名人尺牘小傳

卷八

陳允衡字伯璣江西建昌人御史本子工詩與阮亭愚山交最篤選刻詩  
慰國雅諸書有寶琴館集

余懷字澹心號無懷別號髮持老人福建莆田人工詩詞流寓南中徵歌  
選曲儼如少俊有板橋雜記味外軒稿

杜濬字于皇號茶村初名詔先湖北黃岡人明副榜貢生僑居金陵詩宗  
杜陵有變雅堂集

陳恭尹字元孝號獨漉山人亦稱羅浮布衣廣東南海人詩爲嶺南三家



之一有獨漉堂集

黃雲字仙裳號舊巢江南泰州人布衣善詩文有悠然堂桐引樓諸集

吳懋謙字六益別號華萃山人華亭人布衣工詩有苧庵集

曾燦字青藜原名傳燦號止山江西寧都人寧夏籍與兄晁並以詩名有

二曾之目所選海內名家詩曰過日集人才略備著有金石堂集

方膏茂字敦四桐城人拱乾子亨咸弟

高兆字雲客號固齋侯官人工詩有續高士傳

梅文鼎字定九號勿庵安徽宣城人專精歷算之學爲國朝第一著歷

算叢書八十六種及績學堂文鈔詩鈔

顧祖禹字景范江南無錫人徙常熟精地理之學著讀史方輿紀要考據

正史於山川形勢險易古今用兵戰守成敗之迹皆有折衷雖荒僻幽

仄之地一一如目見徐乾學修一統志祖禹主其事欲薦之朝固辭乃止

蔣鑰字玉淵又字馭鹿武進人

許旭字九日太倉人與顧湄齊名並工詩爲梅村所稱有秋水集

顧湄字伊人太倉人有水鄉集

孫默字無言號桴菴休寧人客廣陵其歸黃山以詩文贈行者徧海宇著

笛松閣集

嵇永仁字留山自號抱犢山農無錫人諸生入范覲公幕府耿逆叛迫之



降怒罵不屈與忠貞同殉節贈國子監助教

賜祠旌忠有和百苦

吟抱犢山房集

黃向堅字端木吳縣人父孔昭宰滇中兵阻白鹽井順治八年向堅行冰雪萬里得見父母又明年抵里孝養二十年而母沒孔昭年九十無疾終向堅年六十五矣猶孺慕哀號尋以病卒時人爲譜萬里緣傳奇乾隆四年題 旌工畫山水多寫滇中景

侯方域字朝宗河南商邱人明戶部尚書恂子爲四公子之一與貴池吳應箕宜興陳貞慧最善負才任俠以文雄一時與魏叔子汪荅文稱國朝三家有壯悔堂文集四憶堂詩集

彭孫貽字仲謀一字昇仁海鹽人太僕觀民子孫適兄也拔貢生天性孝友與同邑吳蕃昌仲木創瞻社爲名流所重時稱武原二仲私謚孝介先生工詩王新城所稱賞著有甲申亡臣表流寇志方士外紀彭氏舊聞錄五言妙境茗齋集

徐秉義字彥和號果亭崑山人乾學弟元文兄康熙癸丑第三人及第官吏部侍郎有耘圃培林堂代言集

王鴻緒字季友號儼齋又號橫雲山人華亭人廣心子康熙癸丑第二人及第官至戶部尚書有明史稿 賜金園集

韓菼字元少又字菽人號慕廬長洲人康熙癸丑會元第一人及第久在



館閣凡應奉文字多出其手官至禮部尚書謚文懿有有懷堂集

徐倬字方虎號蘋村德清人康熙癸丑進士官翰林院侍讀家居後加禮部侍郎銜有道貴堂類稿

顧貞觀字華封號梁汾無錫人康熙壬子舉人官國史院典籍能詩尤工詞有瀘塘集積書巖集

彭定求字勤止號訪濂又號南昀長洲人父瓏授以梁谿高氏之學康熙丙辰會元第一人及第官翰林院侍講有密證錄陽明釋毀錄儒門法語及南昀詩文稿

胡會恩字孟綸號茗山德清人康熙丙辰第二人及第官至刑部尚書有清芬堂存稿

翁叔元原名柝字寶林又字靜鄉號鐵庵永平籍常熟人康熙丙辰第三人及第官至刑部尚書有鐵庵文稿梵園詩集

顧藻字懿樸號觀廬長洲人康熙丙辰進士官至工部侍郎

葉舒崇字元禮吳江人年十二補弟子負康熙丙戌進士選中書舍人與星期進士並擅文譽有大小阮之目戊午薦鴻博未試卒有宗山集

高層雲字二鮑號謨苑華亭人康熙丙辰進士授大理寺評事薦試鴻博官至太常寺少卿有改蟲齋集詩書書法時稱三絕

成德氏納喇又作納臘亦稱納蘭字容若後改名性德遼陽人太傅明珠

子康熙癸丑進士選侍衛愛才好客所與遊皆一時名士嘗集宋元以  
來諸儒說經之書刻爲通志堂經解一千八百餘卷精鑿藏善書能詩  
尤工於詞所刻飲水側帽詞傳寫徧於村校郵壁有通志堂集



國家圖書館, NATIONAL CENTRAL LIBRARY, TAIWAN, R.O.C.



昭代名人尺牘小傳

卷九

彭孫適字駿孫號羨門海鹽人明太僕期生子順治己亥進士候選主事  
康熙己未舉博學鴻詞第一授編修官至吏部侍郎工詩詞有松桂堂  
集南淮集延露詞

倪燦字闇公號雁園上元人康熙丁巳舉人舉鴻博授檢討工書

汪霽字朝采號東川錢塘人康熙丙辰進士官行人舉鴻博授編修官至  
戶部侍郎有西泠唱和集

喬萊字子靜號石林江南寶應人明御史可聘子康熙丁未進士除中書

舍人舉鴻博授編修官至翰林院侍讀有易侯寶應志使粵詩文等集  
王頊齡字顯士號瑁湖華亭人廣心子鴻緒兄康熙丙辰進士太常博士  
舉鴻博授編修官至大學士謚文恭有世思堂畫舫齋諸集

李因篤字天生更字孔德又字子德陝西富平籍山西洪洞人以布衣舉  
鴻博授檢討爲四布衣之一邃于經學爲亭林所推重詩得杜法有壽  
祺堂集

秦松齡字漢石又字次椒號留仙又號對巖無錫人順治己未進士國史  
院檢討罷歸康熙己未舉鴻博復授檢討歷諭德家有寄暢園在惠山  
麓擅林泉之勝研精經術尤邃於詩有毛詩日箋蒼峴山人集

周清原字浣初一字雅楫號蓉湖又號且朴武進人國子監生舉鴻博授  
檢討官至工部侍郎有浣初集

陳維崧字其年號迦陵宜興人明左都御史于庭孫副貢貞慧子年十七  
爲諸生五十六舉鴻博授檢討鬚浸淫及韻準時稱陳騷四六爲國  
朝第一哀艷芊緜頡頏徐庾汪鈍翁謂開寶以後七百年無此等作詞  
擅名一代與朱竹垞合刻朱陳村詞詩古今體皆擅場沈歸愚謂尤在  
四六與詞之上有陳檢討集

徐嘉炎初名炎字勝力號華隱秀水人國子監生舉鴻博授檢討官至內  
閣學士有抱經齋集



陸萊原名世枋字次友又字義山號雅坪平湖人康熙丁未進士管內書院典籍舉鴻博授編修官至內閣學士有雅坪集

錢中諧字宮聲號庸亭昌平籍吳縣人順治戊戌進士康熙己未舉鴻博授編修有麓邇集湘耘編

汪楫字舟次號悔齋儀徵籍休寧人由贛榆訓導舉鴻博授檢討充封琉球正使 賜一品服撰中山沿革志又述其山川風俗禮儀爲琉球

使錄官至福建布政使善書得米法有悔齋集

袁佑字杜少號霽軒直隸東明人拔貢生由中書舍人舉鴻博授編修陞中允

朱彝尊字錫鬯號竹垞又號曝舫晚稱小長蘆釣魚師秀水人文恪公會孫以布衣舉鴻博授檢討詩古文詞並擅名一代詩與王新城稱朱王詞與陳迦陵稱朱陳研精經學深於考證金石善八分書著有經義考五代史補注瀛洲道古錄朱錄日下舊聞明詩綜詞綜曝書亭集等書湯斌字孔伯號荆岷又號潛庵河南睢州人順治壬辰進士由翰林出爲潼關道副使遷嶺北道參政康熙己未舉鴻博授侍講官至工部尚書其學兼通朱陸得蘇門孫氏之傳嚴於義利之辨皆切于日用倫常一以誠意正心爲本乾隆二年補謚文正道光三年從祀 孔子廟庭有洛學編補睢州志湯子遺書



汪琬字茗文號鈍翁又號玉遮山樵長洲人晚居堯峰因以自號順治乙未進士官戶部主事康熙己未舉鴻博授編修詩與新城齊名時稱汪王文根祇經史爲國朝三家之一有鈍翁前後類稿堯峰文鈔

邱象隨字季貞號西軒山陽人湖廣宜城籍拔貢生與兄象升齊名號二邱舉鴻博授檢討官至洗馬有西山紀年集

潘耒字次耕號稼堂晚自號止止居士吳江人布衣舉鴻博授檢討爲四布衣之一幼有聖童之目試以歷日首尾不遺一字學本崑山顧氏又得王錫闡兄樞章之傳經史詩古文歷算聲音之學無不洞達於聲韻反切有神悟審五方之音而能得其會通著類音八卷刪增三十六字母爲五十母統有字無字之音分平上去爲二十四類皆得天然之音有遂初堂集

沈珩字昭子號耿巖又號稼村海寧人康熙甲辰會元未釋褐而歸十五年不仕舉鴻博授編修乞歸有耿巖集

施閏章字尚白一字屺雲號愚山宣城人順治己丑進士官湖西道參議康熙己未舉鴻博授翰林院侍講轉侍讀與宋荔裳齊名稱南施北宋五言近體尤工王漁洋摘爲愚山句圖生平以儒雅自命尤深理學轉爲詩文所掩有愚山詩文集

米漢雯字紫來號秀崑宛平人明太僕萬鍾孫順治辛丑進士長葛知縣



康熙己未舉鴻博授編修官至侍講書法米南宮兼善山水有始存集  
黃與堅字廷表號忍庵太倉人順治己亥進士康熙己未舉鴻博授編修  
陞贊善有忍庵集

李鏡字公凱號惺庵山陽人順治辛丑進士奉天蓋平知縣康熙己未舉  
鴻博授編修官至內閣學士兼禮部侍郎有讀書雜述史斷良齋詩文  
集恪素堂集

徐鉉字電發號拙存又號虹亭晚稱楓江漁父吳江人監生舉鴻博授檢  
討善詩古文尤工詞善畫山水有南州草堂集菊莊詞詞苑叢談晚歲  
成本事詩盛行于時

清代名人尺牘小傳

終棠  
丙寅寫  
章沛

國家圖書館 NATIONAL CENTRAL LIBRARY, TAIWAN, R.O.C.





昭代名人尺牘小傳

卷十

嚴繩孫字蓀友自號藕蕩漁人無錫人以布衣舉鴻博授檢討爲四布衣之一 召試日以目疾止成省耕詩八韻 上素重其名仍授官 遷右中允工詩朱檢詩尤愛其文書入晉唐之室兼善寫山水花木尤精畫鳳有秋水集

李來泰字仲章號石臺江西臨川人順治壬辰進士官江南蘇常道參議 康熙己未舉鴻博授翰林

沈筠字開平號晴巖仁和人康熙己未進士改庶吉士舉鴻博授編修有



斗虹集

吳元龍字長仁號臥山華亭人康熙甲辰進士由工部郎中舉鴻博授侍講有問月堂集

龐塏字齊公號雪崖直隸任邱人康熙乙卯舉人舉鴻博授檢討工部主事出為建寧知府有叢碧山房集

馮勗字方寅號勉曾又號封東逸史江南元和人布衣舉鴻博授檢討有封東集

尤恂字同人更字展成號悔庵又號良齋晚自號西堂老人長洲人順治戊子拔貢生官永平府推官鐫級歸康熙己未舉鴻博授檢討告歸晉

官侍講早歲作讀離騷諸傳奇教坊中播之管絃為宮中雅樂聞者艷之所著西堂雜俎傳入禁中章皇帝稱為真才子入翰林

聖祖稱為老名士天下羨其裝遇比于李青蓮云有西堂全集餘集一百四十三卷

張鴻烈字毅文號涇原又號岸齋山陽人廩監生舉鴻博授檢討降級改國子監助教遷大理寺副以憂歸善畫山水

李澄中字渭清號雷田又號漁村山東諸城人成都籍拔貢生舉鴻博授檢討官至翰林侍讀有臥象山房集白雲村集

毛竒齡原名姓字大可號西河又有河右僧開秋晴晚晴等號浙江蕭山



人廩監生舉鴻博授檢討淹貫羣籍著書最富所自負者在經學惟好爲駁辨以求勝凡他人所已言者必力反其詞卒年九十四所著分經集文集經集凡五十種文集合詩賦雜著凡二百三十四卷

錢金甫字越江上海籍華亭人康熙己未進士改庶吉士榜名金甫後復姓錢舉鴻博授編修官至侍讀學士有保素堂集

吳任臣字志伊一字爾器初字征鴻號託園仁和人諸生舉鴻博授檢討淹貫經史兼精天官樂律奇士之術博聞強記顧亭林所推服有周禮大義禮通春秋正朔考辨十國春秋山海經廣注字彙補託園詩文集等書

毛升芳字允大號乳雪一號質庵遂安人拔貢生舉鴻博授檢討有古獲齋駢體竹枝詞

曹禾字頌嘉號峨嶂江南江陰人康熙甲辰進士內閣中書舉鴻博授編修官至祭酒有峨嶂集

周起莘字次修蕭山人廩監生薦試鴻博

魏學渠字子存號青城嘉善人順治戊子舉人歷官湖西道薦試鴻博有青城山人集

宋寶穎字旣庭號湘尹長洲人順治庚子舉人薦試鴻博放歸官興化教諭有讀書堂老易軒玉磬山房等集



董俞字蒼水號樗亭一號蕪鄉釣客華亭人順治庚子舉人薦試鴻博有  
浮湘度嶺樗亭等稿

徐咸清字仲山浙江上虞人明兵部尚書人龍子蔭監生薦試鴻博著有  
資治文字

吳雯字天章號蓮洋其先遼陽人父官山西蒲州學正遂占籍以諸生薦  
試鴻博漁洋山人門人有詩名有蓮洋集

徐林鴻字大文一字寶名海寧人錢塘諸生本莆田林氏贅于徐因襲其  
姓薦試鴻博有兩間草堂詩文集

吳農祥字慶百號星叟明宮允太冲長子錢塘人諸生薦試鴻博有梧園

集詩一百三十四卷文一百四十卷駢體四十卷詩餘二十四卷雜著  
一百六十八卷皆未刊行

葉奕苞字九來崑山人監生薦試鴻博

顧景星字赤方號黃公湖北蘄州人明貢生薦鴻博以病辭詩以才氣見  
長有白茅堂集

閻若璩字百詩又字潛邱太原籍山陽人年十五補學官弟子研究經史  
二十讀尚書疑古文二十五篇之偽沈潛三十餘年盡得其癥結所在  
作古文尚書疏證八卷于地理之學尤精凡山川形勢州郡沿革瞭若  
指掌著有四書釋地孟子生卒年月考孔子廟從祀末議潛邱劄記日



知錄補正喪服翼註博湖掌錄春西堂集等書薦試鴻博不第徐司寇  
修一統志預其事局中人輯其緒論爲一編曰閻氏碎金

王宏撰字無異號山史陝西華陰人監生薦鴻博以病辭工書能文精金  
石之學善鑒別法書名畫所居華山下有讀易廬撰易圖象述及山志  
砥齋集江堯峰稱其文議論馳騁今古志有據依非苟作者

夏駟字文茵一字宛來浙江烏程人歲貢生薦鴻博未與試有爛奕堂集  
田茂遇字楫公號歸淵青浦人順治丁酉舉人授山東新城知縣不赴薦  
試鴻博歸築水西草堂藏書萬卷日事觴詠所選有高言集清平詞燕  
臺文鈔等書

錢芳標字寶汾一字葆馥原名鼎瑞華亭人康熙丙午順天舉人薦鴻博  
以憂未與試官中書舍人工詩尤精于詞有金門稿湘瑟詞

吳爲龍字思雲又字汝納海鹽人明中丞諱麟孫孝廉諱晉畫子與兄  
曰夔並受業于張楊園先生康熙戊午以布衣薦鴻博力辭不赴詩宗  
六朝初唐文工駢體熟于史事著有諸史拾遺再續澉水志樹萱軒賦

稿詩稿

元孫壻查  
揆填諱

昭代名人尺牘小傳

卷十一

孫枝蔚字豹人號漑堂陝西三原人布衣遭亂流寓江都遂家焉身長八尺以詩文名天下舉鴻博以年老特予中書舍人回籍有漑堂集

王嗣槐字仲昭號桂山錢塘人諸生舉鴻博授中書舍人有桂山堂集

鄧漢儀字孝威號鉢史泰州人布衣舉鴻博以年老授中書舍人回籍有

過嶺集選同人詩爲詩觀初二玉集

朱士曾字敬身自號鑑湖漁子又稱越州髯僧山陰人布衣薦試鴻博

黃虞稷字俞邵號楮園晉江籍上元人諸生薦鴻博未試丁憂薦入明史



館食七品俸家有千頃堂藏書最富有千頃堂書目我富軒詩

蔡方炳字九霞號息關崑山人忠襄公子少補諸生性嗜學於理學政治典故多所纂輯工詩文兼善行草徵鴻博以病辭有增訂廣輿記歷代茶權志馬政志憤助編恥存齋集

陸嘉淑字冰修號射山又號辛齋海寧人明嘉興府學生薦鴻博不起工詩有辛齋遺稿

陸元輔字翼王號鞠隱江南嘉定人布衣薦試鴻博湛深經學爲黃陶庵弟子學術志行不愧師門有鞠隱集

魏禧字冰叔一字叔子號勺庭寧都人十一歲補諸生甲申後棄去隱于

### 樓疏稿

李繩遠字斯年號尋壑嘉興人諸生入國子監考授州同知與弟良年符稱三李有尋壑外言

李良年原名法遠又名兆潢更今名字武曾號秋錦諸生薦試鴻博詩文與竹垞齊名稱朱李又擅尺牘與倦圃齊名稱曹李有秋錦山房集

李符原名符遠字分虎號耕客又號桃鄉善詩詞尤工駢體有香草居集周箕初名筠字公貞更今名字青士號管谷嘉興人布衣隱市廛賣米工詩有采山堂集詞緯今詞綜析津日記等書

周篁字林於秀水人監生別字鷗塘以名其詩集



沈進字山子號藍村初名馭嘉興人諸生工詩與竹垞齊名時稱朱沈有藍村詩集

繆泳原名永謀字天自更今名字于野又字潛初嘉興人諸生有荇溪集高佑鈇字念祖嘉興人貢生考授州判有懷寓堂詩

沈崑日字融谷平湖人以貢生令粵西來賓歷辰州郡丞工詩詞有楚遊燕遊草柘西精舍詞

沈岸登字覃九號南渟又號惰耕叟平湖人工詞有黑蝶齋詩詞鈔徐真木字士白號白榆嘉興人工書法篆刻有懷古堂集

盛遠字子久又字鶴江號宜山嘉興人諸生工書無子家築瓣香閣以祀翠微峰構易堂以居薦鴻博以疾辭精左氏之學善古文與侯朝宗汪

茗大稱三家有左傳經世叔子詩文集日錄等書

魏禮字和公一字季子寧都人棄諸生工詩文與兄際瑞禧齊名世稱三魏有魏季子文集

萬斯選字公擇鄞縣人孝廉泰第五子從黃梨洲遊得戴山之傳務躬行之學有白雲集

萬斯大字克宗號跛翁泰第六子爲梨洲高弟專治經學尤精春秋三禮著有學春秋隨筆學禮質疑儀禮商禮記偶箋周官辨非

萬斯備字允誠泰第七子有深省堂集



萬斯同字季野號石園泰第八子及梨洲之門得聞戴山之學博通諸史尤熟於明代掌故撰明開國以後至唐桂功臣將相內外諸大臣年表薦鴻博力辭以布衣參史局不署銜不食俸史稿五百卷皆出其手私謚貞文先生著有歷代史表紀元彙考廟制圖考儒林宗派石經考周正彙考宰輔彙考宋季忠義錄六陵遺事庚申君遺事羣書辨疑書學彙編崑崙河源考河渠考石園詩文集

譚吉璉字舟石號築巖嘉興人五經進士貞良子貢入國子監授官中書擢延安府同知薦試鴻博報罷遷登州知府稱小譚大夫

譚瑄字左羽嘉興人吉璉弟康熙己酉順天舉人官禮科給事中有涵萬名人之無後者有辨香閣詩鈔

項奎字子聚號東井又號牆東居士秀水人諸生善畫有晚盥堂詩草許箕字棠友號龐庵海寧人移居梅里工書有捫膝軒詩鈔

潘廷章字美含號梅巖海寧人有映石志渚山樓集

查容字韜荒號漸江海寧人沒于楚中有彈箏集江漢詩朱爾邁字人遠號日觀海寧人嘉徵子諸生有平山堂集

胡渭初名渭生字肫明號東樵德清人年十五為諸生入太學篤志經義尤精輿地之學馮益都相國欲以鴻博薦堅辭不就崑山徐司寇延修一統志因得縱觀天下郡國之書凡與禹貢山川疆域相涉者考其同

異而折衷之撰禹貢雖指三十卷圖四十七篇其導河一章備志決溢  
改流之跡又有洪範正論易圖明辨大學翼真諸書

沈謙字去矜仁和人工詩詞與陸圻柴紹炳陳廷會毛先舒丁澎吳百朋  
孫治張綱孫虞黃昊號西冷十子有東江草堂集及詞韻詞譜古今詞  
選臨平記等書



昭代名人尺牘小傳

卷十二

陸圻字麗京一字景宣號講山錢塘人貢生事親至孝七歲能詩長負盛名爲西泠十子之冠兵後賣藥海寧之長安市入武當山爲道士或云在嶺南爲僧名今龍不知所終有從同集威鳳堂集

毛先舒字馳黃一名騫字稚黃仁和人少從戴山講心性之旨八歲能詩深于韻學學詩于陳臥子以古學振興與西河會侯齊名有浙中三毛文中三豪之謗著有韻學指歸唐韻四聲表聲韻叢說韻學通指詞韻南曲韻溪書匡林格物問荅聖學真語思古堂集小匡文鈔東苑詩鈔

文鈔

陸繁詔字拒石號儼胡仁和人行人培子有善卷堂詩文集

孫治字宇台錢塘人諸生敷行誼詩長于摹古有鑒庵集

洪昇字昉思號稗畦錢塘人監生漁洋門人工詩尤精詞曲因演所著長

生殿傳奇斥草坎壤終身五十餘落水死有稗畦集

諸九鼎字駿男一名墨字惕庵錢塘人有諸鐵庵集

陳廷會字際叔一字瞻雲有鵝鳥集于城上因自號鵝客錢塘人諸生篤

于友誼爲世稱重

胡介初名士登字彥遠號旅堂錢塘人諸生工詩有旅堂詩集

毛宗文字建平號半山更號皋亭錢塘人有扶雅堂詩集

卓天寅字火傳號亮庵仁和人順治甲午副貢居塘棲鎮盛交遊投贈詩

文滿天下有傳經堂集

馮景字山公一字少渠錢塘人監生長于說經之文有解春詩文集

吳之振字孟舉號黃葉村農石門人貢生授中書工書輯宋詩鈔一百六

卷行世有黃葉村莊詩集

宋肇字枚仲號漫堂又號西陂商邱人文康公子年十四以大臣子入宿

衛改黃州通判官至吏部尚書工詩與漁洋齊名毘陵邵子湘有漁洋

縣津合刻撫吳時嘗選江左十五子詩提倡後學有西陂類稿精鑒藏



能書  
能畫

高士奇字澹人號瓶廬又號江村錢塘人由諸生入太學以能書稱

旨授詹事府錄事歷陞詹事

賜同博學鴻儒科

賜號竹窓加

禮部侍郎謚文恪精鑒賞富收藏所輯江村銷夏錄盛行于世著有江村全集

吳綺字園次號豐南江都人歙縣籍由選貢生薦授秘書院中書舍人奉

詔譜楊椒山傳奇稱

旨以楊官官之歷湖州知府四方名流

過從文謙無虛日卒以是去官工詩及四六其填詞小令兒童婦女皆能習之有林蕙堂集菽香詞

袁于令字令昭又字韞玉號籜庵吳縣人官荊州知府工度曲以西樓記

樂府馳譽于時守荊州一日謁觀察使問曰聞貴府有三聲蓋諷其耽音律也籜庵以訕笑語應之坐是罷黜吳梅村祭酒贈詩云詞客開元擅盛名彈絲法曲楚江情堪見其文采風流矣

王丹林字赤村錢塘人官中書舍人工晚唐詩有野航詩集

陳奕禧字六謙又字子文號香泉海寧人貢生官南安知府工書有予寧堂帖行世詩亦為漁洋所稱有皋蘭藪筆益州子役記金石遺文錄春

靄堂集

賈鉉字玉萬號可齋山西臨汾人官黃州知府工畫花卉

禹之鼎字上吉一字尚基號慎齋江都人康熙中官鴻臚寺序班以善畫供奉內廷尤工寫照秀媚古雅爲當代第一一時名人小像皆出其手

汪文柏字季青號柯庭休寧籍桐鄉人官北城兵馬司指揮工詩詞善畫精鑒賞家有古香樓收藏書畫甚富有柯庭餘習

傅眉字壽髦一字行嶺太原人山子工詩善畫戴廷拭撰晉四家詩山父子居其二

周在浚字雪客祥符人亮工長子官經歷有雲煙過眼錄晉稗梨莊集秋水軒集

黃百家字主一餘姚人梨洲次子傳其學有體獨私鈔王劉吳同幸跌草又從梅定九問推步法著勾股矩測解原康熙中徐司寇延修明史官國子監學正

曹寅字子清號棟亭奉天人官通政司使江寧織造校刊古書甚精有揚州局刻五韻棟亭十二種盛行于世著棟亭詩鈔

孔尚任字季重號東塘又號雲亭山人曲阜人官戶部員外郎工詩有湖海集精于譜曲桃花扇小忽雷傳奇盛行於世

楊大鶴字九臯號芝田武進人康熙己未進士官左諭德著有春秋屬釋比事史漢注辨誤二十一史姓氏考及詩文稿



曹鑑倫字荻懷號彝士嘉善人康熙己未進士官至吏部侍郎

趙執信字伸符號秋谷山東益都人康熙己未進士入翰林年纔十七歷

贊善以燕飲觀劇違制去官年尚未壯也精書法詩爲國朝六家之

一生平服膺虞山馮定遠而於漁洋著談龍錄以非之有聲調譜館山

堂集

歸允庸字孝儀號惺厓常熟人康熙己未第一人及第官至少詹事

尤珍字謹庸號滄澗長洲人侗子康熙壬戌進士官贊善有滄澗類藁

昭代名人尺牘小傳

卷十三

孫岳頌字雲韶號樹峰吳縣人康熙壬戌進士官至禮部侍郎善書受知

聖祖每有

御製碑版必

命書之

周金然字廣居華亭人康熙壬戌進士官左中允有周廣庵全集

王九齡字子武華亭人廣心子項齡鴻緒弟康熙壬戌進士官左都御

史有松溪尊香詩稿艾納小房集

蔡升元字徵元號方麓德清人康熙壬戌第一人及第官至禮部尚書有

紀恩詩



梅庚字耦長一字子長宣城人康熙辛酉舉人泰順知縣工詩畫有天逸

閣集玉筍遊草吳市吟

龔翔麟字天石號蘅圃晚號田居仁和人光祿卿佳育子康熙辛酉副榜

官御史工詩有田居詩稿尤工詞有紅藕莊詞選浙西六家詞行世

汪煜字寓昭錢塘人康熙乙丑進士官吏科給事中

張希良字石虹湖北黃安人康熙乙丑進士官翰林侍講有寶辰堂集

蔣陳錫字文孫號兩亭常熟人康熙乙丑進士官至雲貴總督

仇兆鰲字滄柱鄞縣人康熙乙丑進士官吏部侍郎有杜詩詳注

宋大業字念功號葯州長洲人文恪公次子康熙乙丑進士官至內閣學

士

陳元龍字廣陵號乾齋海寧人康熙乙丑第二人及第官至文淵閣大學

士謚文簡以書名有愛日堂集

吳鼎字元朗號西齋太倉人梅村子康熙戊辰進士官兵科給事中工詩

有西齋集

梁佩蘭字芝五號藥亭廣東南海人康熙戊辰進士改庶吉士散館歸班

詩爲嶺南三家之一有六莹堂詩集

孫致彌字愷似號松坪嘉定人負才名以布衣 召試稱 旨

賜二品服使朝鮮采詩康熙戊辰進士官至侍讀學士有杖左堂集

唐孫華字寶君別號東江太倉人康熙戊辰進士官吏部主事遂於史學

晚乃工詩年九十餘卒有東江詩鈔

史申義字蕉飲江都人康熙戊辰進士官編修工詩有蕪城集

查昇字仲韋號聲山海寧人康熙戊辰進士官少詹事負詩名書法秀逸

為時所珍

聖祖屢稱賞之有澹遠堂集

沈宗敬字南季一字恪庭號獅峯華亭人文恪公子康熙戊辰進士官太

僕卿書得家法善畫山水

湯右曾字西厓仁和人康熙戊辰進士官至吏部侍郎以詩名工行楷書

有懷清堂集



昭代名人尺牘小傳

卷十四

楊賓字可師號天瓢山陰人父戍寧古塔請代不許赴闕訟寃得 旨

之柳條邊迎親歸作柳邊紀略塞外人稱楊夫子工書八歲能作擘窠

大字精鑿碑版有金石源流六十卷及晞髮堂稿

沈用濟字方舟錢塘人監生徒居秀水工詩有荆花集方舟集

邵長蘅一名衡字子湘號青門武進人九歲能文十歲補學官弟子奏銷

案註誤以山人終工詩尤長于文與侯朝宗魏叔子有鼎足之稱有青

門麓稿旅稿賸稿古今韻略等書

蔣景祁字京少宜興人諸生薦鴻博官同知遊王新城之門有東舍集

錢柏齡字介維一字立山華亭人監生有澱湄草廬詩存

錢論光字球淵一字廉江海鹽人瑞徵子太學生

顧藹吉字晚先號天山又號南原吳縣人以歲貢生充書畫譜纂修官任

儀徵教諭善山水精繆篆八分書有隸辨行世

宗元鼎字定九號梅岑別號小香居士江都人漁洋門人工詩畫性愛潔  
不減倪高士有芙蓉齋新柳堂等集

郭元釘字于宮號雙村江都人以諸生取入纂修館預修佩文韻府授中  
書舍人有拙適軒集為江左十五子之一所輯金源詩可補元氏中州

### 集之缺

高不騫字槎客號小湖華亭人太常卿層雲子以布衣

召試供奉

內廷授翰林院待詔假歸自署葦鄉釣師有商榷集

張雲章字漢瞻號樸村嘉定人雍正初舉賢良方正以年老辭文宗南宋  
生平服膺紫陽朱子之作暨南軒東萊止齋同甫諸家有樸村集

沈翼字寅中原名敬字習之號菜畦嘉興人進子歲貢生以孝廉方正薦  
不赴工八分行草為行坻入室弟子書法酷似之

朱昆田字文盞號西畷秀水人竹垞太史子稱小朱十太學生有笛漁小

### 彙三體撫韻



朱丕戴字愷仲號菊塋秀水人貢生竹垞太史從孫及其門有亞鳳巢詩

稿

吳士旦號託園海鹽人貞肅公孫工書

畢宏述字既明海鹽人精篆隸有六書通念園詩草

蔣深字樹存號繡谷又號蘇齋長洲人能書畫以纂修書畫譜官朔州牧  
有繡谷詩鈔

曹日瑛字渭符號恒齋安徽貴池人大興籍官翰林院待詔 內廷纂修

工書

楊晉字子鶴常熟人善畫山水為王石谷高弟兼工人物花草石谷畫中

人物牛馬多晉代寫

馬元馭字扶義號栖霞常熟人工寫生為惲南田入室弟子

高其佩字韋之號且園漢軍人官刑部侍郎善指頭畫

博爾都字問亭號東臯漁父滿洲人襲封輔國將軍工畫著有問亭詩稿

白燕樓詩集

沈名蒸字礪芳又字礪房仁和人康熙庚午舉人

翁嵩年字康韶仁和人康熙戊辰進士戶部主事善畫山水有天香書屋

稿

鄭梁字禹楨一字禹梅號寒村浙江慈谿人康熙戊辰進士官廣東高州

知府善山水曉行詩最佳時呼鄭曉行有襄村詩文選

黃叔琳字宏猷號崑圃宛平人康熙辛未第三人及第年十九官至浙江巡撫罷復官詹事加侍郎銜乾隆辛未重赴瓊林宴庚午辛未諸舉人進士兩詣其第稱後同年讌會為熙朝盛事著硯北易鈔詩統說周禮節訓宋元春秋解提要硯北雜錄崑圃文集

惠周惕原名恕字元龍號硯溪自號紅豆主人長洲人薦鴻博以憂未與試康熙辛未進士以庶常改密雲知縣學於堯峰汪氏邃於經學著有詩說本朝言漢學者以東吳惠氏為首工詩文有硯溪詩文集

陳鳴年字北溟號滄洲湖南湘潭人康熙辛未進士歷知江寧鎮江蘇州諸府敏於聽斷境為大治累官河道總督以勞卒江南人祀之以配海忠介謚恪勤有滄洲詩集道榮堂文集

狄億字立人號向濤江南溧陽人康熙辛未進士改庶吉士散館歸班有洮河漁子集

楊中訥字崑木號晚研海寧人雍正子康熙辛未進士官右中允書學米南宮

儲欣字同人宜興人康熙庚午舉人有唐宋十大家文錄春秋指掌在陸草堂文集

顧圖河字書宣江都人康熙甲戌第三人及第官編修有雄雉齋集



嚴虞惇字寶成號思庵常熟人康熙丁丑第二人及第官太僕寺少卿六  
經皆有述作讀詩曾疑二十卷尤有功詩學有嚴太僕集

周起渭字漁璜號桐野貴州貴陽人康熙甲戌進士官詹事府詹事詩文  
爲黔中冠冕有桐野詩鈔

宋聚業字嘉升吳縣人康熙丁丑進士官吏部郎中

昭代名人尺牘小傳

卷十五

姜宸英字西溟號湛園慈谿人以古文擅名魏叔子謂侯朝宗肆而不醇  
汪苕文醇而不肆惟湛園能兼之最知名之文爲明史稿刑法志極言  
明中葉敝衛之害以爲後王殷鑒書入晉人之室長於摹古小楷尤工  
稱重一代 聖祖稔識之嘗與朱彝尊嚴繩孫並目之曰三布衣  
薦修明史以翰林院纂修官食七品俸仍許與試康熙丁丑第三人及  
第年已七十授編修有葦間集湛園未定稿西溟文鈔



昭代名人尺牘小傳

卷十六

汪士鋐字文升號退谷又號秋泉長洲人康熙丁丑會元官中允書法爲  
國朝第一與姜西溟稱姜汪著有長安官殿考全秦藝文志三秦紀  
聞玉堂掌故瘞鶴銘考華嶽志元和郡縣志補闕近光集餘集四六金  
桴賦體麗則秋泉居士集

昭代名人尺牘小傳

卷十七

鄂爾泰字毅庵滿洲鑲藍旗人康熙己卯舉人開藩吳中以古學造士巡

撫雲南時雲南貴州廣西三省羣苗煽動請改土歸流爲久安之策

世宗特鑄三省總督印親授之用兵四年而奏捷開通滇黔路八

百里封襄勤伯加少保授武英殿大學士會準噶爾未平出爲西路經

略謚文端有平蠻奏疏西林遺稿

高式青字則原錢塘人康熙丙子舉人河南未寧知縣

朱模字亦純一字鹿田號慕巢錢塘人康熙己卯舉人官澤州知府有冬



秀亭集

魏坤字禹平號水村嘉善人康熙己卯舉人善古文詩詞有倚晴閣詩鈔  
秦淮雜詠歷山唱酬集粵遊紀程詩水村琴趣

汪繹字玉輪號東山常熟人康熙丁丑進士以外艱歸庚辰 廷試第一  
人及第官修撰書法工秀有秋影樓詩

徐昂發字大臨號畏壘長洲人康熙庚辰進士官編修工詩兼精書翰有  
畏壘山人集

楊守知字次也號稼亭又號致軒海寧人雍正孫中訥子康熙庚辰進士  
官平涼知府左遷中河通判工詩有致軒集

徐永宣字學人號茶坪武進人康熙庚辰進士授部曹有雲溪草堂詩鈔  
勵廷儀字式令號南湖直隸靜海人杜訥子康熙庚辰進士官至吏部尚  
書謚文恭有雙清閣集

查嗣璫字德尹號查浦海寧人康熙庚辰進士官侍講與兄他山稱二查  
有查浦詩鈔

查慎行初名嗣璉字夏重號他山後更今名字悔餘號初白又號查田海  
寧人少受業於姚江黃氏康熙癸酉舉人壬午以薦直 內廷癸未成  
進士官編修專長於詩入坡公之室爲 國朝六家之一補施注蘇詩  
多所是正有敬業堂集



王式丹字方若號樓村寶應人康熙癸未第一人及第官修撰有樓村詩集

章藻功字豈績錢塘人康熙癸未進士改庶吉士長於四六有思綺堂集  
宋至字山言商邱人漫堂尚書子康熙癸未進士官編修有緯蕭草堂詩  
萬經字授一號九沙鄞縣人斯大子康熙癸未進士官編修雍正乙卯薦  
鴻博部駁未試工隸書少學於應嗣應閻百詩有增補禮記集解續纂  
春秋隨筆明史舉要歷代紀年分隸偶存等書

蔣廷錫字揚孫一字酉君號南沙又號西谷常熟人康熙癸未 特賜  
進士官至文華殿大學士謚文肅工寫生有青桐軒集

何焯字屺瞻號義門長洲人康熙壬午以李光地薦 特賜舉人癸未

特賜進士授編修出常熟翁尚書之門尚書受要人指劾睢州湯  
公因上書請削門生之籍時論快之卒後 特贈侍講學士博覽羣

籍長於考訂凡經傳子史詩文集雜說小學多參稽互證以得指歸其  
真偽是非工拙源流皆有題識如別黑白及利本之偽闕同異字體之  
正俗亦分辨而補正之其校定兩漢書三國志最有名校勘古碑版最  
精有何學士題跋喜臨摹晉唐法帖所作真行書並入能品吳人與汪  
退谷並稱汪何



昭代名人尺牘小傳

卷十八

陳邦彥字世南號春暉又號匏廬海寧人康熙癸未進士官至禮部侍郎  
書法酷類董華亭尤工小楷有墨莊小稿

賈國維字千仞高郵人康熙丙子順天舉人

聖祖南巡獻賦稱

旨取入內廷纂修丙戌榜後 特旨與中式一體 殿試登二甲  
第三人及第授編修

喬崇烈字無功號學齋寶應人侍讀萊子康熙丙戌進士改庶吉士有學

齋集

方苞字鳳九號靈臯又號望溪桐城人康熙丙戌進士官至內閣學士兼禮部侍郎落職後以修書

特賜侍講銜著有周官集注周官辨周官析疑儀禮析疑禮記析疑喪禮或問春秋通論春秋直解春秋比事左傳義法舉要離騷正義史記補注望溪集等書

方黎如字若文一字文翰號樸山浙江淳安人康熙丙戌進士官豐潤知縣制義最有名乾隆初薦鴻博不就薦修三禮以疾辭著周易通義尚書通義毛詩通義十三經集解四書口義四書考典讀書記等書工古文有集虛齋學古文樸山存稿續稿

惠士奇字仲孺一字天牧號半農吳縣人康熙己丑進士歷官翰林院侍讀學士父周惕說經宗漢儒士奇承之考證益密諸經俱有論說撰易說禮說春秋說大學說因新法究推步之原著交食舉隅琴瑟遠理數考視學廣東以經術造士粵人祀之韓山以配昌黎家有紅豆齋人稱紅豆先生有紅豆齋小草時銜錄南中采蓴諸集

繆洗字湘芷號餘園泰州人康熙己丑第三人及第官至刑部侍郎有餘園詩鈔

秦道然字維生無錫人松齡子康熙己丑進士官禮科給事中詩學陶有泉南山人存稿

張大受字日容嘉定人僑居吳郡之子將門因以匠門自號康熙己丑進



士官檢討從學于朱秀水善詩古文尤工駢體好波引後進有匠門書屋文集

李紱字巨耒號穆堂江西臨川人康熙己丑進士官至直隸總督罷復官內閣學士學宗象山尤以博洽負當世重望甬東全謝山稱其生平盡得西江諸先正之裘治至擬其文於曾子固虞道園間所著有春秋一是朱子晚年全論陸子學譜陽明學錄穆堂類稿續稿別稿

徐用錫字壇長號書堂江南宿遷人康熙己丑進士官侍講有書名

張照字得天號天瓶居士華亭人康熙己丑進士官至刑部尚書諡文敏書宗顏米得董文敏真傳為世所珍

王世琛字寶傳吳縣人康熙壬辰第一人及第官至少詹事工詩能書畫有摘巢小稿

徐葆光榜姓潘字亮直號澄齋長洲人康熙壬辰第三人及第官編修使琉球撰中山傳信錄考據精博工書有二支齋詩文集

王圖炳字麟照華亭人廣心孫頊齡子康熙壬辰進士官至禮部侍郎降官侍讀加詹事銜書得董文敏筆意有授香書屋詩

林佶字吉人侯官人康熙壬辰進士官中書舍人工書尤精小楷手寫堯峰文鈔漁洋詩精華錄午亭文編刊板行世有樸學齋集

杜詔字紫綸號雲川無錫人以詩受知于 聖祖康熙壬辰 特

賜進士改庶吉士雍正乙卯薦鴻博未試卒工填詞選唐詩叩彈集行  
世有雲川閣集

汪泰來字陞交安徽新安人占籍錢塘康熙壬辰 特賜進士授中書

內廷纂修善畫花冊

傅王露字良木號玉筍又號閨林浙江會稽人康熙乙未第三人及第官  
編修晉中允雍正乙卯薦鴻博部駁不與試有玉筍山房集

繆曰藻字文子號南有居士吳縣人侍講彤子康熙乙未第二人及第官  
司經局洗馬精鑒賞所藏書畫甲吳郡



昭代名人尺牘小傳

卷十九

蔣衡字湘帆又名振生一字拙存晚號江南拙老又號函潭老布衣金壇人僑居無錫貢生善書以楷書寫十三經身後其孫和進呈奉  
旨刻石列辟雍有拙存堂集

王澍字翁林號虛舟金壇人居無錫康熙壬辰進士官吏部員外郎書入  
率更之室金壇良常山館最擅名款署良常王某世遂稱王良常云篆  
書法李斯為一代作手晚歲眇左目鑒定古碑刻最精有竹雲題跋虛  
舟題跋

顧嗣立字俠君長洲人康熙壬辰

特賜進士改庶吉士所居秀野草

堂極水木亭臺之勝概一時名士畢集性豪于飲終其身無與抗者有  
閻邱詩集所選元詩初二三集及癸集百年文獻賴以不泯注昌黎飛  
卿二家詩選詩林韶濩皆行于世

汪應銓字杜林常熟人康熙戊戌第一人及第官贊善工小楷有容安齋  
詩集

鄭江字璣尺號筠谷錢塘人康熙戊戌進士官侍講工詩有筠谷詩鈔

馬維翰字默臨又字墨麟號侶仙海鹽人康熙辛丑進士官川東道工詩  
有墨麟詩卷

江永字慎修安徽婺源人爲諸生數十年博通今古專心於十三經注疏  
而于□三禮功尤深以朱子儀禮經傳通解書未就乃撰禮書綱目八  
十八卷及周禮疑義舉要禮記訓義擇言深衣考誤儀禮釋宮增注春  
秋地理考實鄉黨圖考曰書典林及讀書隨筆近思錄集注考訂朱子  
世家等書又明於鍾律聲韻推步之學有律呂闡微律呂新論音學辨  
微古韻標準四聲切韻表推步法解士政衍金水二星發微冬至權度  
恒氣注歷辨歲實消長辨歷學補論中西合法擬草

盛錦字庭堅號青嶼吳縣人諸生工詩有青嶼詩鈔

梁文泓字深父號秋潭錢塘人諸生工書



陳梓字俯恭號古銘餘姚人布衣雍正間舉孝廉方正辭不就私淑楊園  
張氏撰四書質疑以教學者書體古別與北地李隱君錯齊名稱南陳  
北李

李錯字鐵君一字眉山號廬青山人又號焦明子鑲白旗漢軍人官庫筆  
帖式薦試鴻博復舉經學隱於盤山撰尚史一百七卷工詩有曉巢集  
高鳳翰字西園號南村晚自號南阜老人亦稱老阜山東膠州人雍正間  
以生員舉孝友端方任歙縣丞被劾工篆刻善書畫用左手有南阜山  
人詩集

裴尊生字果萬錢塘人善畫人物

李世倬字漢章號穀齋漢軍人官至副都御史工書畫山水得王石谷指  
授花鳥得舅氏高且園之傳

張宗蒼字默存一字墨岑號篁村又稱瘦竹吳縣人善畫山水畫苑祇候  
官戶部主事

謝淞洲字滄湄號林村長洲人布衣工書畫精于鑒古  
以內府所藏命其鑒別

沈鳳字凡民號補蘿江陰人以監生投効南河歷署知縣同知書學王良  
常善畫尤工篆刻

方士庶字洵遠一字循遠號環山又號小師道人新安籍江都人善畫山



水王司農後推一作手工詩有環山詩鈔

汪士慎字近人號巢林歙縣籍家揚州善分書工畫梅有巢林集

華岳字秋岳號新羅山人福建閩縣人僑居杭州晚寓揚州善畫人物有生趣兼工山水

金農字壽門號冬心又號司農又稱稽留山民錢塘人布衣書得古趣在隸楷之間工畫梅寫佛像自署昔耶居士心出家會粥飯僧有冬心集丁敬字敬身號龍泓山人又號鈍丁錢塘人隱市廛賣酒好金石文字窮巖絕壁手自摹榻證以志傳著武林金石錄工分隸精篆刻印章不輕爲人作有龍泓山館詩鈔

陳章字授衣號絳齋錢塘人布衣有孟晉齋集

姚世鈺字玉裁歸安人諸生有屛守齋遺稿

汪惟憲字子宜一字積山號水蓮仁和人雍正己酉拔貢生工書做蘇長公有尊聞錄積山詩文集

顧詒祿字祿百號花橋又號緩堂長洲人貢生有吹萬閣文鈔緩堂文鈔緩堂詩話緩堂文述

李果字實夫一字碩夫號客山長洲人布衣有詠歸亭詩鈔在亭叢稿



昭代名人尺牘小傳

卷二十

錢陳羣字主敬號香樹又號集齋又號柘南居士嘉興人康熙辛丑進士官至刑部侍郎加尚書銜贈太傅謚文端善書有香樹齋詩文集

陸奎勳字聚維號坡星又號陸堂平湖人南雄守世楷之子十二歲能詩康熙辛丑進士年已六十官檢討中年專意經學者有陸堂易學詩學今文尚書說春秋義存錄戴記緒言魯詩補亡陸堂文集詩集

柯煜字南陔號實庵嘉善人康熙辛丑進士以山林積學薦修明史選宜都知縣改衢州府教授乾隆丙辰薦鴻博未試卒有石庵樵唱

勳宗萬字滋大號衣園靜海人杜訥孫廷儀子康熙辛丑進士入翰林年才十七官至刑部侍郎罷復官光祿寺卿善畫山水

盧見曾字抱孫號雅雨德州人康熙辛丑進士官兩淮鹽運使愛才好客四方名士咸集極一時之盛刻雅雨堂叢書金石三例著有出塞集  
陳宏謀字汝咨號榕門廣西臨桂人雍正癸卯進士歷任甘肅江西湖南陝西河南福建江蘇巡撫所至無論久暫凡利害之當興者必籌其先後以次圖之官至東閣大學士兼工部尚書謚文恭留意經術所著書多切於修己治人之要有大學衍義輯要補輯要訓俗遺規養正遺規培遠堂偶存稿

尹繼善氏章佳字元長號望山滿洲鑲黃旗人雍正癸卯進士官至文華殿大學士愛士如渴巡撫江蘇時一清漕弊任兩江總督每遇大獄必別白輕重量子省釋不妄戮一人事有便宜雖奉旨訶責持之益力時稱賢相謚文端有文端公集

劉統勳字爾鈍號延清諸城人雍正甲辰進士官至東閣大學士清節威望著聞朝宁爲治悉舉大體不務苛切有古大臣之風謚文正

汪由敦字師茗號謹堂休寧人雍正甲辰進士官至吏部尚書協辦大學士謚文端善書有松泉詩文集

王峻字次山號良齋常熟人雍正甲辰進士由編修改江西道監察御史



更正  
省作  
冊理

臺官彭維新不孚衆望抗疏劾罷之直聲大震歸田後教授十餘年以古學提唱後進精地理之學撰水經廣注漢書正誤工書所書碑碣盛行吳下有良齋集

嚴遂成字松瞻號海理烏程人雍正甲辰進士薦鴻博不與試官嵩明州知州工詩有海珊詩鈔所作明史雜詠時稱詩史

鄒一桂字元褒號小山無錫人雍正丁未進士官至禮部侍郎贈尚書善畫花卉有小山詩鈔

張鵬翀字天扉一字天飛號南華嘉定人雍正丁未進士官至詹事府詹事詩才敏捷山水師倪黃爲國朝畫苑後勁有南華詩集

梁詩正字養仲號藕林錢塘人雍正庚戌第三人及第官東閣大學士贈太傅謚文莊工書有天音集

蔣溥字質甫號恒軒常熟人文肅公子寫生得家法雍正庚戌進士官至大學士謚文恪有恒軒詩鈔

嵇璜字尚佐號黼庭一號拙修無錫人文敏公子雍正庚戌進士官至文淵閣大學士重宴瓊林謚文恭

商盤字蒼雨號寶意會稽人髫齡以新蟬詩自燕賦知名年十九著小山叢桂集雍正庚戌進士由編修出爲新寧州牧終雲南元江守有質園詩集又采國朝越州人詩爲越風行世



陳祖范字亦韓自號見復常熟人雍正癸卯進士乾隆辛未薦舉經學授國子監司業以年老不任職即家拜命於學務求心得取勦襲成言以爲己有論易不取先天之學論書不取梅賾論詩不廢小序論春秋不取義例論禮不以古制違人情皆通達之論有經咫掌錄及司業集

桑調元字伊佐一字敬甫自號獨往生錢塘人少師事姚江勞史得聞性理之學雍正癸丑進士工部主事薦試鴻博有五獄集敬甫集

英廉氏馮字計六號夢堂漢軍鑲黃旗人雍正壬子舉人官至保和殿大學士諡文肅工詩有夢堂詩稿

鄭燮字克柔號板橋江南興化人乾隆丙辰進士官山東濰縣知縣書有別趣善蘭竹有手書板橋詩行世

曹秀先字冰持號地山江西新建人雍正壬子舉人內閣中書乙卯薦舉鴻博乾隆丙辰進士改庶吉士已入詞館不與試官至禮部尚書諡文恪以能書名有賜書堂集

全祖望字紹衣一字謝山鄞縣人雍正壬子舉人薦舉鴻博乾隆丙辰進士改庶吉士已入詞館不與試散館歸班負氣迂俗有風節其學淵博無涯淡于書靡不貫穿所著書皆有補於文獻有讀易別錄孔子弟子姓名表漢書地理志稽疑丙辰公車徵士錄詞科摭言續甬上耆舊詩



國朝南上耆舊詩經史問答句餘土音鮎埼亭集外集

金德瑛字汝白號檜門仁和人雍正丙午舉人內閣中書薦舉鴻博乾隆丙辰第一人及第授修撰已入詞館不與試官至都察院左都御史有檜門詩存

劉綸字慎洒號繩庵武進人諸生乾隆丙辰舉鴻博第一人授翰林院編修官至文淵閣大學士諡文定有繩庵內外集

諸錦字襄七號草廬秀水人雍正甲辰進士由庶常改金華府教授乾隆丙辰舉鴻博授編修歷贊善有毛詩說饗禮補亡夏小正注絳跌閣集杭世駿字大宗號董浦仁和人雍正甲辰舉人乾隆丙辰舉鴻博授編修

改監察御史以言事罷歸著有禮例續禮記集說金史補闕史漢北齊疏證前後漢書蒙拾文選課虛續方言石經考異諸史然疑晉書補傳贊詞科掌錄榕城桂堂詩話道古堂集

陳兆崙字星齋號句山錢塘人雍正庚戌進士福建候補知縣乾隆丙辰舉鴻博授檢討官至太僕寺卿工書為同邑梁學士所稱有紫竹山房詩文集

沈廷芳字晚叔一字菽林號椒園仁和人監生舉鴻博授編修官至山東按察使有十三經注疏正字隱拙齋集

夏之蓉字芙蓉號醴谷江南高郵人雍正癸丑進士鹽城教諭乾隆丙辰



# 網計

舉鴻博授檢詩有半舫齋詩文集

齊召南字次風號息園浙江天台人雍正己酉副榜舉鴻博授檢討官至禮部侍郎熟于三禮尤精地理之學有水道提綱歷代帝王表後漢公卿表 賜硯堂詩寶綸堂文集

方觀承字遐穀號問亭又號宜田桐城人雍正開為平郡王記室以布衣召見賜中書銜尋以軍功補實薦鴻博不就試官至直隸總督謚恪敏精三禮與秦味經司寇同撰五禮通考官畿輔時尤留心水利先後延趙一清戴震輯直隸河集書一百三十餘卷惜未梓行有述本堂集問亭集宜田彙稿

馬曰瑄字秋玉號嶰谷安徽祁門人家揚州候選縣丞博學工詩有沙河逸老集

馬曰璐字佩兮號半槎候選知州薦鴻博不就試與兄曰瑄齊名稱二馬家有小玲瓏山館藏書甲東南名流咸集極觴詠之盛有南齋集

方貞觀字履安號南堂桐城人諸生薦鴻博不就試工書近注退谷有南堂詩鈔

周京字西穆一字少穆號穆門晚號東雙橋居士錢塘人貢生考授州同知薦鴻博不就試工書負詩名有元悔齋集

陳撰字楞山號玉几鄞縣人布衣僑居錢塘薦鴻博不就試善畫有玉几



山房吟卷繡鈔集

厲鶚字太鴻號樊榭錢塘人康熙庚子舉人乾隆丙辰薦試鴻博熟于宋元以來叢書裨史撰宋詩紀事遼史拾遺及院畫錄玉臺書史詩幽雋孤澹成一家詞冷峭獨絕有樊榭山房集

萬光泰字循初號柘坡秀水人諸生乾隆丙辰薦試鴻博中本科舉人精周解之學云詩有柘坡詩稿

昭代名人尺牘小傳

卷二十一

胡天游字祥威一名駸字雲持又姓方山陰人由副貢生薦試鴻博再薦  
經學文工四六有石筍山房集

汪沆字師李一字西顛號槐塘錢塘人諸生少從樊榭學詩薦試鴻博著  
有淇華軒雜錄小眠齋讀書日札新安紀程全閩采風錄蒙古氏族略  
識小錄泉亭瑣事汪氏文獻錄小眠齋稿槐塘詩文集等書

趙昱字功十原名殿昂晚號谷林仁和人貢生薦試鴻博家有小山堂藏  
書最富與厲鶚等七人搜集南渡遺事各為南宋雜事詩百首盛行于



時有愛日堂集

趙信字意林仁和人監生薦試鴻博與從兄谷林稱二林並擅詩名有秀  
硯齋吟稿

朱稻孫字稼翁秀水人竹垞太史孫西畷子貢生薦試鴻博隸書得家法  
有六峰閣詩稿

張庚字浦山號瓜田又號彌伽居士秀水人布衣薦試鴻博工畫山水著  
有畫徵錄強恕齋詩集

德保氏索綽絡字仲容一字潤亭號定圃又號龐村滿洲正白旗人乾隆  
丁巳進士官至禮部尚書嘉慶初年 賜謚文壯有樂賢堂詩文鈔

沈德潛字確士號歸愚長洲人以廩生薦試鴻博早負詩名乾隆己未進  
士改庶吉士年己六十七官至禮部侍郎加尚書銜謚文愨所選古詩  
源唐詩別裁明詩別裁 國朝詩別裁學者奉爲圭臬壽九十七有竹  
嘯軒詩歸愚詩鈔

素枚字子才號簡齋錢塘人十二歲補諸生二十一歲薦試鴻博乾隆己  
未進士改庶吉士出知溧水江浦沭陽江寧等縣並著能聲三十二歲  
乞歸作園于江寧小倉山下曰隨園四方之士至江南者必造訪之投  
詩文無虛日享盛名五十年有小倉山房集隨園詩話隨園隨筆

裘曰修字叔度一字漫士號諾臯新建人諸生薦試鴻博乾隆己未進士



官至工部尚書謚文達有灌亭詩鈔

鄭虎文字炳也號誠齋秀水人乾隆壬戌進士官左贊善有吞松閣集

錢維城字宗磐一字幼安號稼軒武進人十歲能詩十二三能騷賦古文

乾隆乙丑第一人及第官至刑部侍郎贈尚書謚文敏書法東坡畫山

水得元人黃玉筆意奉 勅進 御之作 上親爲題詠者至數十

軸有茶山集

梁國治字階平號瑤峰又號豐山會稽人乾隆戊辰第一人及第官至東

閣大學士謚文定有敬思堂詩集

朱珪字石君號南崖晚號盤陀老人大興人與叔兄筠有二朱之日乾隆

戊辰進士入翰林年十八官至太子太傅體仁閣大學士 高宗

時 命入直 南書房侍 睿皇帝學凡所陳說無非唐虞三

代之言卓然有古大臣之風謚文正著有知足齋詩集文集

劉墉字崇如號石庵諸城人文正公子乾隆辛未進士官至體仁閣大學

士謚文清書法魏晉筆意古厚嘉慶十年奉 旨刻清愛堂帖有石

庵詩集

周於禮字立崖號亦園雲南嶧峨人乾隆辛未進士官大理寺少卿書法

東坡有敦彝堂集

惠棟字定字號松崖元和人周惕孫士奇子諸生承其家學於經史諸子



裨官野乘及七經志緯之學無不肄業及之乾隆辛未以經學徵專心治經尤邃于易有易漢學周易述易微言易例明堂大道錄禘說古文尚書考左傳補注九經古義漢事彙最後漢書補注漁洋精華錄訓纂松崖文鈔等書

錢載字坤一號擇石又號瓠尊晚號萬松居士秀水人雍正壬子副榜薦試鴻博再薦經學乾隆壬申進士官至禮部侍郎詩精深于杜韓蘇黃脫去蹊徑自名一家工書善水墨花卉有擇石齋詩文集

翁方綱字正三號覃溪大興人乾隆壬申進士官至內閣學士左遷鴻臚寺卿重宴瓊林加二品銜書學永興長子者證金石有復初堂集

昭代名人尺牘小傳

卷二十二

梁同書字元穎號山舟晚號不翁九十外又號新吾長翁錢塘人文莊公子乾隆壬申 特賜進士官翰林侍講年四十乞歸嘉慶丁卯重宴鹿鳴加學士銜書出入顏柳米董自立一家負盛名六十年所書碑版編寰宇與劉石庵王夢樓並稱劉梁王收藏 國朝尺牘甲於天下卒年九十三有頻羅庵集

秦大士字魯一號澗泉江寧人乾隆壬申第一人及第官至侍讀學士盧文弨字召弓號磯漁又號抱經餘姚籍仁和人徵士存心子馮景之外



孫彞調元之女夫漸涵緒論具有原本乾隆壬申第三人及第官至翰林院侍讀學士著有儀禮注疏詳校廣雅注羣書拾補鍾山札記龍城札記及抱經堂集校刊古書最精有抱經堂彙刻書

紀復亨字元穉號心齋歸安人乾隆壬申進士官至鴻臚寺少卿

顧光旭字華陽號晴沙無錫人乾隆壬申進士官甘肅涼州道以書名有

梁溪詩鈔響泉集

倪承寬字餘彊號敬堂仁和人乾隆甲戌第三人及第官太僕寺卿

阮葵生字寶誠號唐山山陽人乾隆壬申舉人官至刑部侍郎有七錄齋集

陸曜字朗夫號青來吳江人乾隆壬申舉人官至湖南巡撫以廉潔稱所著漕運考于河渠多所裨益有切問齋集

徐良字鄰哉號又次居士華亭人乾隆壬申舉人官夔州知府工書似董文敏

王又曾字受銘號毅原秀水人少與同里錢宗伯以詩名有錢王之目乾隆甲戌進士官刑部主事有丁辛老屋集

朱筠字美叔號竹君又號笥河大興人乾隆甲戌進士由翰林院侍讀學士降編修博聞宏覽好獎掖後進承學之士望為依歸督學所至以經學六書倡陸錫熊程晉芳皆所取士戴震邵晉涵汪中黃景仁洪亮吉



先後皆在幕中好金石文字著十三經文字同異未成書法參六書有  
隋以前體詩文有筭河集

紀昀字曉嵐直隸獻縣人乾隆甲戌進士官至禮部尚書在詞垣奏請將  
永樂大典內人間罕覩之書鈔錄流布既而 詔求天下遺書開四  
庫館命昀與陸錫熊爲總纂撮其大凡撰爲提要未著錄者則爲存目  
以識之其應制之作爲詞苑所宗謚文達有紀文達公遺集

王昶字德甫一字琴德號蘭泉晚號述庵青浦人乾隆甲戌進士官至刑  
部侍郎早負詩名與王鳴盛錢大昕吳泰來曹仁虎趙文哲黃文蓮爲  
江南七子所選湖海詩傳極數十年交遊之盛又選 國朝人詞爲今

詞綜多藏金石碑版撰金石粹編一百六十卷著有春融堂集

王鳴盛字鳳喈號禮堂又號西莊晚稱西泚嘉定人乾隆甲戌第二人及  
第官至內閣學士兼禮部侍郎改光祿寺卿與惠松崖交撰尚書後案  
三十卷專宗鄭注亡逸者采馬融王肅注補之又撰十七史商榷百卷  
蛾術編百卷詩文負重名有耕齋齋集西泚居士集

錢大昕字及之又字曉徵號辛楣又號竹汀嘉定人乾隆甲戌進士官至  
少詹事六經百家無所不通凡經義之聚訟難決者皆能剖析源流文  
字音韻訓詁天算地理氏族金石以及古人爵里事實年齒莫不瞭如  
指掌繼崑山秀水而起當代推爲通儒尤積算術通中西兩法有梅氏



所不能言者衍漢三統術據班志以闡劉歆之說二千年已絕之學復明所爲文皆經史精液不矜法以自雄有潛研堂文集十駕齋養新錄唐石經考異經典文字考異聲類廿二史考異南北史篤修唐書史臣表唐五代學士年表宋學士年表元史氏族表補元史藝文志三史拾遺諸史拾遺通鑑注辨證四史閏朔考潛研堂金石文跋尾金石文字目錄恒言錄竹汀日記鈔潛研堂詩集吳興舊德錄先德錄洪文惠文敏王厚齋王弇州年譜天一閣碑目疑年錄三統術衍風俗通義逸文詞垣集長興縣志鄞縣志等書

周升桓字禔圭號山菽嘉善人乾隆甲戌進士以侍講出爲廣西倉梧道書法東坡有皖遊詩存

朱休度字介裴號梓廬秀水人乾隆癸酉舉人官山西廣靈知縣詩深于南宋排比聲律最精有壺山自吟稿

彭元瑞字掌仍號雲楣南昌人乾隆丁丑進士官至工部尚書早直西清應奉文字婉麗清新往往出人意表所選宋人四六爲時傳誦贈太子太保協辦大學士謚文勤

蔣士銓字心餘一字苕生號清容江西鉛山人乾隆丁丑進士官編修與彭尚書同鄉同官 上賜詩有江右兩名士之目風神散朗如魏晉間人博通淹雅善詩古文辭詩與袁簡齋趙甌北稱袁蔣趙有忠雅堂

集兼工南北曲有雪中人等傳奇九種

彭紹升字允初號尺木長洲人侍講定求曾孫尚書啓豐子乾隆丁丑進士壯歲即喜浮屠氏之學禮佛不下樓者四十年文有二林居集一行居集詩有測海集觀河集



國家圖書館, NATIONAL CENTRAL LIBRARY, TAIWAN, R.O.C.



昭代名人尺牘小傳

卷二十三

王文治字禹卿號夢樓舟徒人乾隆庚辰第三人及第官翰林侍讀出爲雲南知府書秀逸天成得董華亭神髓與錢塘梁學士濟名世稱梁王學士每自謂不如蓋天分不可及也詩宗唐人有夢樓詩集

畢沅字纘蘅號秋帆江南鎮洋人少從長洲沈宗伯惠徵君遊乾隆庚辰第一人及第官至湖廣總督愛才若渴一時名士多遊其門輯續資治通鑑二百二十卷史籍考關中勝蹟圖記關中中州諸金石志河間書畫錄精鑒藏刻經訓堂法帖自號靈巖山人有靈巖山人集

# 號

趙翼字雲松號甌北江南陽湖人乾隆辛巳第三人及第官貴西道重宴鹿鳴加三品銜以詩名有皇朝武功紀盛廿二史劄記陔餘叢考簷曝雜記十家詩話甌北集等書

王杰字偉人號惺園陝西韓城人乾隆辛巳第一人及第官至東閣大學士工書諡文端

李文藻字素伯一字蔭晚號南礪山東益都人四川籍乾隆辛巳進士官廣東知縣升桂林府同知著政績好金石刻為嘉定錢氏入室弟子有恩平潮陽桂林諸集

曹仁虎字來殷號習庵嘉定人乾隆辛巳進士官侍講學士工詩名聞海外在禁林每遇大禮高文典冊皆出其手視學廣東時聞母訃匝月虎泣以毀卒有宛委山房詩蓉鏡堂文稿

段玉裁字若膺號茂堂金壇人乾隆庚辰舉人四川巫山縣知縣遊戴東原之門湛深經史尤精六書有說文解字注六書音均表周禮漢讀考儀禮漢讀考古文尚書撰異毛詩詁訓傳經韻樓集等書

王宸字紫凝號蓬心太倉人麓臺司農曾孫畫得家法乾隆庚辰舉人官永州知府

盛百二字晴川號袖堂秀水人乾隆丙子舉人官山東淄川知縣有皆山閣詩集袖堂筆談等十餘種



梁獻字聞山號松齋安徽亳州人乾隆壬午舉人官四川巴東知縣工書與錢塘梁學士會稽梁文定有三梁之目

姚鼎字姬傅桐城人乾隆癸未進士官禮部郎中嘉慶庚午重宴鹿鳴加四品銜工書長于古文有惜抱軒集

褚廷璋字左莪號筠心長洲人乾隆癸未進士由翰林院待讀學士降部曹乞歸有筠心詩鈔

戴震字東原休寧人乾隆壬午舉人薦充四庫館纂修官少從江慎修遊禮經制度名物及推步天象皆洞徹原本既乃研精漢儒傳注及說文諸書由聲音文字以求訓詁由訓詁以尋義理實事求是不一一家

乙未 特授翰林院庶吉士著有毛鄭詩考正某溪詩補注尚書義考儀禮考正考工記圖爾雅文字考大學補注中庸補注孟子字義疏證續天文略水地記方言疏證原善原象歷問古歷考勾股割圓記策算聲韻考聲類表屈原賦注東原文集等書所校大戴禮記水經注尤精核

趙文哲字升之號璞函上海人以詩文名乾隆壬午 召試舉人官中書從軍滇南既又隨定邊右副將軍溫福討蜀兩金川晉戶部主事與木果木之難卹贈光祿寺少卿有媿雅堂姬隅等集

尹壯圖字萬起一字楚珍雲南蒙自人乾隆丙戌進士官至內閣學士兼



禮部侍郎以參奏天下倉庫虧缺降補御史放歸

余集字蓉裳號秋室仁和人乾隆丙戌進士官至侍講學士重赴鹿鳴加  
三品銜善畫山水尤工美人有秋室詩鈔

曹錫寶字鴻書號劍亭上海人乾隆丁丑進士官御史時劾和坤家人不  
法吏議革職 詔特原之仍令留任嘉慶初 上念其敢言追贈

### 副都御史

張埴字商言號瘦銅吳縣人乾隆乙酉舉人官內閣中書有竹葉庵集

程晉芳初名廷鑑字魚門號載園歙縣人家江都乾隆辛卯進士官吏部  
郎中以校勘四庫全書改編修有勉行堂詩文集

邵晉涵字與桐又字二雲餘姚人乾隆辛卯會元官至侍講學士博聞強  
識四部七錄靡不研究尤長于史在史館最久輯有 皇朝大臣謚蹟  
錄所著爾雅正義以郭注爲宗兼采樊劉孫李諸家承學之士多從之  
又有孟子述義穀梁正義韓詩內傳考輜軒日記南都事略輿地金石  
碑目南江詩文稿等書

錢澧字東注號南園雲南昆明人乾隆辛卯進士官通政司副使居臺諫  
慷慨敢言

李長庚字超人號西巖福建同安人乾隆辛卯武進士授藍翎侍衛歷官  
福建水師提督調浙江提督晉閩浙水師總統擊蔡牽中礮陣亡于黑



水洋追封三等壯烈伯謚忠毅著有水戰紀略

孔繼涑字信夫號谷園曲阜人行聖公傳鐸子乾隆戊子舉人候補中書  
工書爲張文敏女夫得其筆法有小司寇之目刻其書爲瀛海仙班帖  
十卷精於鑒別碑版有玉虹樓帖十六卷鑒真帖二十四卷摹古帖二  
十卷又 國朝名人法書十二卷並行於世

金榜字輔之號檠齋歙縣人乾隆壬辰第一人及第官修撰師事江慎修  
治禮宗鄭康成著禮箋

鐵保氏棟鄂字冶亭號梅庵滿洲正黃旗人乾隆壬辰進士由吏部郎中  
改翰林侍講學士官至兩江總督工書有梅庵詩鈔

昭代名人尺牘小傳

卷二十四

吳錫麒字聖徵號穀人錢塘人乾隆乙未進士官祭酒工詩詞駢體文有  
有正味齋集

秦瀛字凌滄號小峴無錫人乾隆甲午舉人官至刑部侍郎有小峴山人  
集

馮敏昌字伯求號魚山廣東欽州人乾隆戊戌進士官編修改刑部主事  
工畫有華山小志河陽金石錄文章心印孟縣志師友淵源集小羅浮  
草堂詩文集



錢世錫字慈佑號百泉秀水人擇石宗伯子乾隆戊戌進士官檢討工詩有麋山野屋集復齋隨筆

法式善氏伍堯本名運昌奉

旨改今名字開文號時帆蒙古正黃旗

人乾隆庚子進士官祭酒輯清秘述聞槐廳載筆足資掌故尤工于詩選同時人所作曰及見錄有存素堂稿

武億字虛谷河南偃師人乾隆庚子進士官山東博山知縣以杖和相畜役罷教授齊魯間嘉慶己未

詔起引

見未行卒于家著讀經考

異羣經義證三禮義證讀史金石集目錄授堂金石跋錢譜授堂詩文集等書

趙懷玉字億孫號味辛晚號收庵武進人乾隆庚子

召試舉人官中

書出爲兗州府同知工詩與同里孫淵如洪禕存黃仲則並稱孫洪黃趙有亦有生齋集

汪端光字劔潭又字礪雲號蕘睦江南儀徵人乾隆辛卯舉人官廣西鎮安府知府工詩詞有沙江晚霞才退諸集

江聲字叔澐一字鯨濤號良庭元和人布衣學于惠定宇精古文尚書說文之學生平不肯用俗字尺牘皆依說文著有尚書集注音疏及經史子準繩論語瑛質恒星說嘉慶元年舉孝廉方正

程瑤田初名易以字行更字易田又字易疇歙縣人乾隆庚寅舉人官嘉



定教諭有通藝錄

錢坫字獻之號十蘭嘉定人竹汀少詹族子官乾州州判考證金石最精篆書得漢人法孫淵如稱為本朝第一晚年用左腕書筆力蒼厚款或署泉坫有九經通借字考詩音表車制考爾雅釋地四篇注論語後錄說文辭詮等書

汪中字容夫江都人乾隆丁酉拔貢生精六書說文金石之學晚年專治經術解經有神識病古人之疑周官左傳也為周官徵文及左氏春秋釋疑著有述學內外篇皆有益經術維持世道之言又有廣陵通典金陵地理考春秋後傳知新記

黃易字小松號秋盦錢塘人官山東運河同知專精金石之學嘉定錢氏青浦王氏大興翁氏陽湖孫氏儀徵阮氏多與商榷論定工畫山水有小蓬萊詩

鮑廷博字以文號涑飲歙縣人諸生家錢塘藏書甲浙右校刊書籍亞于汲古閣刻知不足齋叢書二十八集嘉慶十八年  
欽賜舉人年已八十六逾年卒工詩有花韻軒詠物詩存

羅聘字遜夫號兩峰江都人師杭郡金農畫人物仙釋有別趣所作鬼趣圖最著名乾隆間名人題詠殆徧有香葉草堂詩存

奚岡字鐵生號蒙泉又號鶴渚散人錢塘人書倣倪迂畫山水似李檀園



為時所珍有冬花盃詩集

方薰字蘭坻石門人布衣詩書畫並妙寫生尤工與吳罔齊名稱方奚一時能手無出二人之上有山靜居稿

金德輿字鶴年號雲莊又號鄂巖桐鄉人官刑部主事善書精鑒藏有桐華館詩鈔

范永祺字鳳頤別字莪亭鄞縣人乾隆丙午舉人工篆隸印刻為天一閣後人所藏明代國朝尺牘甲于東南

宋葆淳字帥初號芝山又號陔陔山西安邑人乾隆癸卯舉人官解州學正長于金石考據善鑒別工畫山水得北宋人法

趙魏字洛生號晉齋仁和人歲貢生考證碑版最精生平所藏金石有竹卷庵金石目年至篤者雖衣褐不完猶堅守勿釋可謂好古成癖者矣

吳東發字侃叔號耘廬又號芸父海鹽人歲貢生學邃于尚書受業錢少詹之門善讀金石文字撰羣經字考書序鏡尚書後案質疑商周文拾

遺石鼓讀金石文跋尾續善畫山水工詩有耘廬詩鈔

吳文溥字博如號澹州嘉興人思貢生工詩有南墅堂詩集筆記

黃景仁字仲則武進人諸生議敘縣丞未及選卒年三十五詩負重名與洪穉存稱洪黃兼止詞有兩當軒詩竹眠詞

孫星衍字伯淵一字淵如號季述陽湖人乾隆丁未第二人及第授編修



和相知其名欲一見卒不往改刑部主事歷官山東督糧道深究經史文字音訓之學旁及諸子百家皆心通其義所精金石碑版工篆隸校刻古書最精詩文名著海外與同里洪禔存齊名稱孫洪所撰有尚書古今文義疏周易集解夏小正傳校正魏三體石經殘字考倉頡篇孔子集語史記天官書考證寰宇訪碑錄平津館金石萃編孫氏家藏書目內外編續古文苑問字堂岱南閣五松園平津館文稿芳茂山人詩錄等書

惲敬字子居武進人乾隆癸卯舉人官江西瑞金知縣善古文有大雲山房初二集

伊秉綬字組似號墨卿福建寧化人乾隆己酉進士守惠州多善政再知揚州力持風雅文采映耀一時道光二年入祀三賢祠為四賢祠書似李西涯尤精古隸獨不喜趙文敏蓋不以其書也有留春草堂詩集錢楷字宗範號裴山嘉興人乾隆己酉會元官至安徽巡撫善分隸工畫山水有綠天書舍存草

桂馥字未谷曲阜人乾隆庚戌進士官雲南永平知縣以分隸篆刻擅名精於考證碑版有說文正義札樸晚學集等書

邢澍字雨民號佺山甘肅階州人乾隆庚戌進士官南安知府精各史表志之學有全秦藝文志兩漢希姓錄金石文字辨異守雅堂詩文集



洪亮吉字稚存陽湖人乾隆庚戌第二人及第官編修以言事遣戍伊犁

特旨釋歸自號更生居士以詩文擅名經史注疏說文地理靡不參稽鉤貫工篆書有附姑軒卷箴閣更生齋等集

張問陶字仲治號船山四川遂寧人文端公元孫乾隆庚戌進士官檢討出為萊州知府以病辭自號藥庵退守棗于詩酒有青蓮再世之目有船山詩集

熊方受字介茲號夢庵廣西永康人乾隆庚戌進士官山東兗沂曹道有夢庵詩鈔

陳希祖字玉方江西新城人乾隆癸丑進士官御史工書得董文敏晚年神髓有雲在軒稿

尤維熊字祖望號二娛元和人乾隆己酉拔貢生官雲南蒙自知縣工詩尤長於詞有二娛小廬詩詞鈔

陳鴻壽字子恭號曼生錢塘人嘉慶辛酉拔貢生官江南海防同知善古隸工畫有桑連理館集

張惠言字皋文初名一鳴武進人嘉慶己未進士官翰林院編修工篆書學深于易禮著有周易虞氏義虞氏消息虞氏易禮易事易候易言周易鄭荀義易義別錄易圖條辨儀禮圖說文諧聲譜名柯文集等書

吳鼎字及之又字山尊號抑庵安徽全椒人嘉慶己未進士官翰林院侍

講學士善書畫工駢體文能詩有夕葵書屋疊韻詩

王芑孫字念豐號暢甫長洲人乾隆戊申

召試舉人充咸安宮教

習後補華亭縣教諭書仿劉文清有淵雅堂詩文集

此傳當在吳文溥後



國家圖書館, NATIONAL CENTRAL LIBRARY, TAIWAN, R.O.C.